





知止齋遺集

知止齋詩稿七冊

淮海集一冊

學言集

石室詩鈔

夢菴集

蘭言集

中呂集

了觀集

知止齋文稿四冊

知止齋文牘稿一冊

以上二土種二〇冊

合三冊

知止齋奏議一冊

知止齋摺稿偶存三冊

摺稿七十九冊

館課詩賦稿一冊

詩賦稿一冊

古文稿一冊 課藝六冊

陔華館制義存二冊

陔華小題文存一冊

翁氏名賢錄一冊

京兆退思錄一冊

元野浪灘

擬古 依西格寫

四字不寫

并此亦不寫

以下凡待題

均心存二銘

皆依西格寫

通本如此

擬古



顛氣凌八極曾雲積秋陰平原莽無際肅肅鷄征禽高樓有
佳人激懷攬古今引領無儔匹臨窗理瑤琴一彈飛泉動再
彈江月沉不惜朱絃絕所痛無知音清商發中夜臨風抗哀
吟亮無高飛翼惻然傷我心
黃鵠餌稻梁園池受羈縻白龍而魚服乃為漁者欺彼麒麟

知止齋遺集

知止齋詩稿七冊

淮海集一冊

學言集

石室詩鈔

夢萬集

蘭言集

中呂集

了觀集

知止齋文稿四冊

知止齋文牘稿一冊

以上二土種二〇冊

合二冊

知止齋奏議一冊

知止齋摺稿偶存三冊

摺稿七十九冊

館課詩賦稿一冊

詩賦稿一冊

古文稿一冊 課藝六冊

陔華館別義存二冊

陔華小題文存一冊

翁氏名賢錄一冊

京兆退思錄一冊



知止齋詩鈔卷第一

淮海集

元默涪灘

擬古

常熟翁心存二銘



顛氣凌八極曾雲積秋陰平原莽無際肅肅鷄征禽高樓有
佳人激懷攬古今引領無儔匹臨窗理瑤琴一彈飛泉動再
彈江月沉不惜朱絃絕所痛無知音清商發中夜臨風抗哀
吟亮無高飛翼惻然傷我心
黃鵠餌稻梁園池受羈縻白龍而魚服乃為漁者欺彼麒麟

鳳皇貴在人不知不擇時地見何異鴻與麋多欲昧生理寡
識蹈危機達人貴遺物君子慎知幾

庭中有孤松鬱鬱凌青霄託根早孤露不受凡鳥巢野葛來
附之虬曲紛牽撓引彼千尋蔓繫茲百尺條野葛日以滋孤
松日以凋涼飈歛凌厲草木上下飄野葛柔且曲盤結何堅
牢孤松勁而直摧折不崇朝

吾希魯朱家能識髡鉗奴吾慕孫賓石能匿賣餅徒古來稱
俠士椎埋納亡逋嗟嗟此二子卓犖大丈夫一言脫患難百
口保艱虞事成不受謝長揖歸田廬嘗讀黨錮傳鉤黨窮根
株刊章下討捕敢舍伏重誅連引布天下郡縣為邱墟宗黨

並殄滅况乃亾身軀惜哉史闕略姓氏俱忽諸誰能陳此義
此義今則無

我行涉長淮鷓火正在望原禽化妖蜃噓氣作駭浪兩蛟挾
船舷鬣角怒相向回颺入沙渾逝將魚腹葬中流坐歌嘯氣
足神逾王拔劍天地搖酣舞絕依傍陽戾戢其威徑度幸無
恙軒轅誅蚩尤圖形纛旗上大禹鑄九鼎魑魅搜異狀聖世
物咸若忍令神姦妨乾坤屏纖翳滌除志彌壯不見為艾獵
殺蛇位楚相不見周建威斬蛟拜上將

步出北郭門登高望原野側想千載人長眠九京下古棺化
寒灰衰草臥石馬幽宮走驚鼃陰房碎瑤瓦恩讐機已息悲

歡事成假龍虎戰風雲狐鼠穴城社到此歸虛無况復悠悠者茫茫天地間涕淚緣纓寫

陽春二三月夾道盈桃李枝葉交扶疎鄂跼燦紅紫蓐收告休轅百卉皆披靡嘉植生南中冬榮深谷裏朱實垂綠柯纍纍一何綺錫貢入禹甸作頌徵屈子以茲堅勁姿喻夫耿介士嚴霜肅萬物奪彼以予此如何踰淮北一旦化為枳

左徒忠不收懷沙赴湘水李廣功不封自頸謝大理微軀詎輕捐激烈良有以觥觥賈太傅經濟信奇士策名登中朝年纔弱冠耳奈何一不用悲歌長江汜投書問蛟龍賦服代銘誅可憐虛前席鬱鬱竟憂死丈夫生世間豈但紆青紫上為

廊廟儲下為蒼生起得喪齊窮通毀譽絕憂喜希膏和其光保身固有侯人生駒過隙義馭不停軌不立德功言草木同朽矣所以蔡中郎亡命隱吳市焦尾豈不悲志在成漢史東海有勇士名訢氏樹邱逝將適楚國飲馬河之洲河神奪其馬拔劍誓報仇三呼復三躍聳身赴洪流三日鬪蛟窟三夜探龍湫左手曳龍尾右手提蛟頭雷公隨擊之日夜不得休一目雖云眇叱吒風雲愁燭來坐上坐意氣隘九州一聞要離言折節為純脩嗟哉百鍊剛化作繞指柔

飢不食醜毒寒不披荆榛飢寒豈不患大患在殺身殺身亦何有况乃以成仁毒脯香且美鳩酒清而醇驚瀑鬱盤怒危

厓削嶙峋摧此豫章木根抵蟠輪困琴瑟不中伐矯揉為車
輪廟堂非所願微命本勞薪大圜覆萬物霜露皆陶甄蓼蟲
不知苦桂蠹不避辛庶保耿介懷用以質後人

伯起隱關西講堂下三鱣孔明耕南陽高吟梁父篇謝公臥
不起絲竹陶東山鄴侯少慕道采藥衡湘間四賢豈不偉勲
業垂千年當其未遇時畊鑿良安便一邱一壑際若將終身
焉豈料後日事赫赫光史編乃知豪傑士窮達皆由天富貴
非素願功名亦偶然熟審出處文貴在此志堅處窮洵不易
處達良獨難

象數渺難測易傳推京房不密乃失身卒誤東平王吞爻兆
異夢絕學傳仲翔骨節恨不媚萬里投炎荒緬惟彼二子元
解窮陰陽胡為觸駭機一旦掇禍殃亢龍貴無位未若安喪
羊勿幕澤雖遠未若保括囊所以忠信事始可占黃裳知足
身不辱守中悔乃止智士通其變賢者循其常

孟堅抱賜書遂志賦幽通季英守青簡牧豕大澤中悲哉茲
兩賢弱冠邁閔凶遺經究終始弗墜簪纓風榮親豈在位顯
親豈在功保此太素質庶可對祖宗荀君秉高行才子號八
龍鄭君實達人學傳小同潛德自有耀不必為三公失足
辱門戶不如布衣終立身有遺訓安可辭固窮

寄贈李香谷孝廉家蕙

弱冠志耿介微尚耽詩書淮海事沙厯風塵滿襟裾孤懷誰
與共抱經鯉庭趨荒陬得良友情密歎迹疏其迹疏由文新
情密悟夙因皎皎海中月藹藹嶺上雲激觀契真賞妙理摠
高文意慙方展分緣慳俄離羣其離羣天一方世事胡可量
君游京華春賢書觀國光余抱河洛痛興匱還故鄉升沈既
殊致引領徒心傷其心傷誰與言忽習祥琴彈詎因風波阻
渝此金石堅寤寐竚音徽果枉惠瑤牋言探洞庭穴來泊胥
江船其四胥江清復清洞庭百里程如何整歸櫂闕茲金玉聲
徒勞鄭重意祇增離別情空谷儻存問歡會申平生其平生
慕雅游肯睠山中幽放懷攬八極抗志凌千秋奚必效羊鹿

得食鳴相求勗哉崇令德努力追前修其六

醉歌行呈外舅許秋濤先生

丈夫生不能金華殿中草鳳書又不能玉門關外騎龍駒金
莖露乾馬卿渴安用吹老王門筭十年羈滯長安道覓食飢
鴻啄梁稻鷓鷯典盡黃金空却悔抽身苦不早竭來補官得
豫章仙風吹衣過故鄉故鄉酒徒共豪飲末座容我終童狂
白雲變幻如蒼狗風馬霓衣竟何有舉杯酌天天不知且拌
爛醉杯中酒酒酣意氣如春雷胷中墳起糟邱臺雀翎全鍛
有傲骨琴尾半焦無凡材澹墨淋漓書素壁怒視投石秋鷹
擊揮毫萬道走蛟螭落紙一聲飛霹靂書罷撲筆歌離騷炎

空灑雪天為高天公投壺玉女笑金蛇煜煜隨奔濤讀書萬
卷成何用枳棘從來困鸞鳳瑤闕珠宮不可攀月明空作游
仙夢夜深更酌風打窗蟬更閣閣燈幢幢千杯百榼不忤意
一口直欲吞章江章江之水排空舞瀉入懷間向南吐化為
匡廬山頭千片雲散作彭蠡湖邊數州雨

奉送秋濤先生之官江右

秋風秋雨滿江鄉吹送雙鳧到豫章水驛較多山驛少宦情
殊短別情長全家南郭棲鴻廡此去西江綴雁行哲兄朗軒
舅氏同行

它日儻躬逢勝饒可容宿搆序滕王
舟行應過子陵灘可有鱸魚上釣竿半飽風颿收脚易亂橫

石筍轉頭難瀨前水駛漁謳少山外雲深鳥夢安裁得羊裘
休獨被一江煙雨綠蓑寒

清絕舟居夢亦閒畫眉不斷路彎環酒波涌月衝煙立詩稿
和雲帶雨刪作客依然同骨肉宦游難得好江山此行書畫
休多載畱取扁舟載石還

周孝貞女詩并敘

女常熟人父母沒女立志不字撫弱弟成立為取婦弟
又蚤卒撫孤妹如其弟紡績以佐饘粥積五十載家累
千金其遇視北宮嬰兒子尤艱矣絃其事俟采風者
謂女曰孝匪奉雙親謂女曰貞匪稱未亡人生不幸作女子

子身能以一身存一門五十年不嫁乃以貞孝聞解父兮母
子皆歸地下有弟有弟瑩瑩一个姊去弟也寒姊去弟也餓
匪女之不嫁兮為弟也不嫁解弟也有婦弟也有子女可以
嫁矣天胡不弔弟也又死是呱呱者將焉置此孤兒寡婦匪
女何恃解有鳥曰譖譖中夜火起火光繞屋飛女曰事當從
權宜左手挈婦右手抱兒纏笄下堂曰免乎曰免矣賴我賢
伯姬解朝饗夕飡左宜右有教兒讀書為兒取婦五十年相
守弟今有後女將含笑報地下父母解父母得一愛女弟得
一賢姊兒失一義姑服三年喪血兩眼枯兒也搶地呼兒今
日始孤解父老欽高風連續上大府大府錄奇行一封奏

當宁

帝曰嘉哉

恩綸錫汝巍巍綽楔金字題題曰貞孝古列女解

剜肉操并敘

孝婦曹常熟人事姑以馴謹稱姑患瘍創甚不可為矣
孝婦剜肉代膏傅之竟愈

剜肉補創一片肉香貼肉肉骨一腔熱血漚血作汁肉作膏
細絲續命無此牢解上堂拜阿母阿母柳生肘延醫來視諸
鑿東手上入缺盆不得收口合家燒香拜北斗男前女後回
首願視不見新婦解母萬福矣母嗽粥矣母睡熟矣創中纍

纍生新肉矣延鑿來視諸鑿驚猜不知此肉纍纍隱起從何
來解^三合家拜向天天延吾母年疾呼新婦來眎新婦俵俵行
不前解^四阿母聞之大驚疑祖解^五眠之心酸涕下如綆縻解^六骨
肉團藥稱觥舉^七竿有兒有孫羅列堂下兒上其牘牘刺血寫
我弦此詩俟采風者解^六

將赴胸陽留別諸同人

曲直何勞訟升沈不可論故人多惜我此別寂銷魂亡命緣
家累刊章識吏尊范滂親老矣誰為代晨昏

九月望夜解維行邁同家朗若兄

虞仲山頭月倍明小舟大被覺霜輕饑寒已分拋妻子患難

方知有弟兄人影蘆中窺閃閃雁行天際詆聲聲連牀不作
尋詩夢共憶高堂寐未成

陳子準明經揆贈予文引淮陰事相慰感賦一絕

寄食天涯賸此身無雙國士合風塵釣臺欲向城東問笑殺
淮陰市上人

毘陵道中順風

昨晨張輕帆未晡風打面予固任自然順逆欣所便今朝仍
南風五兩候羽扇兩岸高于山一瞥去如電矍矍曉日光擊
檝蘭陵縣卻到丹楊城炊熟正朝飭坦途本無營造物每善
變何況世上人翻覆起方寸苑枯異吹噓進退戒繫援篙工

勿安眠須防颿脚轉

途次雜感

別岫孤雲一片歸誰憐遊子寸心違天荒似夢迷前後路遠
多歧認是非無那涼風吹葉下生憎秋雁背人飛江魚值賤
如泥土爭及家山采蕨薇

萬樹垂楊宿鳥喧江鄉風景似家園潘輿日遠秋多感姜被
霜輕夢亦溫鸚鵡啄殘拋晚稻脊令飛急下平原黃昏更向
前却泊笑語聲中人閉門

令史偏遭弱冠孤步兵無奈哭窮途空教別恨縈千縷何處
容身覓一壺石見水清魚避網月明風定雁銜蘆誰家搗練

寒砧急欲向湘潭問女媧

秋深萬象總凋傷况值征人念故鄉黃旌闕山千里月白搖
蘆荻一天霜心違去路嫌舟疾夢不離家祝夜長吟徹相思
紅豆曲激成商調感蒼茫

舟中述景

秋聲滿天地遊子獨何之社鼓羣鴉鬧江雲一鶴飢蘆中煙
外路葉落日斜時閒倚蓬窗坐長吟有所思

扁舟行不定四顧野蒼茫萬里江天白三更海月黃風遲嫌
路遠眠短覺宵長獨有還鄉夢時時繞北堂

小泊收帆脚浮家臥柂樓故園羈客思永夜大江流雲黑盤

鴉陣煙青罩樹頭晨鐘蕭寺動起坐散離愁

揚子橋

萬樹垂楊翳雙橋夾岸圍寒蟬抱葉語江鳥學颿飛天地增
秋色煙波失落暉夜涼多水氣客子尚單衣

渡江書所見

浩然渡江來江城黯明滅行行指前途滿目色慘冽飢民數
十輩懸鶉衣百結負戴徙南邦老幼互提挈借問爾胡為鄉
國輕離別灑淚前致辭欲語仍嗚咽今年淮水大湖泛隄崩
裂田廬漂沒盡如雨灌蛾堙存者各逃生死者便永設舍之
不復顧家鄉長波絕縱教委蒿萊幸免葬魚鼈命薄當被災

生理焉可說

至尊今御宇宵衣望治切

廟堂計已周撫字理無缺胡為淮陽郡歲歲告河決宣房宮
乍築瓠子口仍齧

國帑百萬糜累爾民力竭我讀河渠志三策緬前哲我學周
官書荒政十二設立國有大原區區豈補綴平生慕杜陵自
比稷與契見爾含瘡痍為爾肝腸熱良久復自笑杞憂一何
拙陶然進一尊輕帆電光瞥

邗溝

邗溝通道久綿互接淮陽河水南流大平湖隔岸長脩隄糜

國帑挽漕裕

神倉緬想潘公略前型未可忘

曉發淮安

寒郭帶殘月長淮斷晚霞樓臺雜蚊蜃更鼓絕蝦蟇日上紅
連海霜輕白誤沙跨驢休續夢子細路三叉

即景口號

宿鳥靜深林嚴霜被平野衝寒客早行已有先行者

危隄

無主荒墳半夕陽飢鴉銜肉上帆檣陂塘亂颭菰蒲影春碓
時聞餅餌香良吏未遑興水利書生有志議河防危隄獨坐

歌鳴犢萬里波濤接混茫

曉發

殘月帶陂塘平橋印早霜河聲天上落海氣日邊涼魚眼翻
波赤雲頭罩霧黃衝寒行更早今日路彌長

早行安東大霧

回首重闌鬱不開前却霧氣撲人來雲銜紅日滄波曉浪卷
黃河地軸迴吟罷勞勞霑袖底路迷左左陷溪隈蹇驢欲策
愁無力顛顛征顏劇可哀

胸城晚眺

峰前峰後抱迴環一角孤城海岱間四面風雲通鳥道萬家

煙火傍秋山潮淤荻港橫高堰日落沙堆指故關南北此曾
爭戰地

昇平無事成樓閣

城外滄波接大荒城頭一片月茫茫飛泉鳥護雙龍井算角
人窺百雉牆方罨曬鹽霏雪白連村刈稻失雲黃天邊無限
哀鴻影極目平原感慨長

客夢

長風吹客夢夜夜到鄉關葉卷一庭雨雲歸千里山慈親添
白髮少婦損紅顏鼓角荒城曙羈愁不可刪

山城見菊花愀然有感

三秋花事渾如夢到眼偏驚物候來已分寒香隨歲盡尚餘
傲骨帶霜開朔風凜冽長吹帽落日登臨數舉杯忽憶故園
人去後定應零落委蒼苔

游碧霞宮

心香虔禮碧霞君山鬼遨嬉拜夕曛古柏龍髯銜冷月前峰
馬耳切寒雲波濤勢鬪秦東碣冰鐵聲留海外文千古賢愚
同一貉荒原楊樹白紛紛

偕張萼樓敦悌李香谷遊石室步東坡和蔡景繁韻

夫容洞中窠深處舊是城南讀書路一朝辭親河洛間操苦
梁山泣風雨萬樹桃花撲地飛零落荒苔不知數殞宮三帀

集飛鴉總帳五更啼杜宇卻說輿匱涉波濤温序思歸葬邱
墓年年寒食桃花開慟哭行楸酌芳醕重来石室更淒涼公
門桃李花無主黃雲獨鶴守石牀白日飢飈走巖戶海上三
山事渺茫難覓仙查訪牛女明月空弭帝庭節飛霞誰按天
魔舞韓門弟子盡豪傑張籍李翱世無伍相攜出郭招符郎
謔到師恩意傾吐自悲枯樹撼風煙豈有爰居戀鐘鼓攬轡
澄清慕范滂臨歧惆悵懷孫楚窈窕時從山鬼遊丁寧欲寄
芳卿語即今漂泊轉蕭瑟秋雨秋風聽如許江上夫容怨豔
陽山中桃核成塵土才疎空負託成書德薄敢將詩述祖不
堪重展傳經圖坐對殘編撫今古松泉猶作讀書聲彷彿靈

衣來日暮

香谷飲我

萬樹桃花十月開銜杯猶憶舊時栽蓬根帶雨飛黃葉雀迹
和雲印綠苔冀北離羣嗟砒兀江南作賦寫悲哀歸途漂母
祠前過獨倚斜陽問釣臺

南山霧雨歎迤邐話舊尊前倍黯然沽酒百壺逢亥市讀書
千卷誤丁年蘭成身世悲枯樹太白文章本謫僊捫蝨庵中

在州司馬治石曼卿故蹟聽擊筑羽聲慷慨近幽燕

樺燭光迴拜後堂停觴忽下淚千行練裳冬月憐南客宿草
秋霜感北邙重抱殘絰尋石室尚餘遺愛在桐鄉香山老健

微之歿氣縱橫繞白楊

令祖近亭先生為州司馬年逾古稀精神尚矍鑠也

太息孤桐半死生學書擊劍兩無成景真歷盡風波險孟博

從教月旦評憂患緣知游子賤炎涼不改故人情青衫淪落

天涯路未聽琵琶淚已傾

王海門文汪緒招飲

丈南昌人以贊為尉能詩善飲

衙鼓鏦鏦燭已殘停杯話舊淚闌干憶陪仙尉葫蘆杖共醉

先生首著盤

丁卯春始識先生於海州學舍

梅福高風存吏隱鄭虔無命老

微官膏間寶劍寒芒動腸斷蘭成不忍看

萼樓招余兄弟同香谷姚心田中孚小集聽秋軒

如許秋聲不可聽夫容城畔樹冥冥相逢舊雨兼今雨此會

文星更酒星率爾詠懷悲阮籍陶然頌德學劉伶婪杯擬酌

山靈語一曲離騷一涕零

寒逼綈袍張酒軍西風轉瞬惜離羣招來海上三山月携到

江東一袖雲欲賦幽通懷系氏相期中說述河汾龍門空有

成書託何日重紉石室文

攜手河梁空復情再來海國訂鷗盟脊令原上棲雙影

家兄在座

鴻雁風前語一聲姚合

田指心

清新無俗韻李翱

指香谷

跌宕以

詩名就中張緒風流甚吟賸膏肢太瘦生

萼樓素有瘦沈之目故戲及之

雄心欲著祖生鞭不效昌黎屢乞憐庾信誅茅仍七葉禰衡

懷刺已三年鵬圖南海逢希有風暖東門寓雜縣推碎玉壺

吟未徹秋霜蕭颯望青天

王藝昉茂材宜古索詩戲作長句贈之

酒令如山張酒兵詩筒火急訂詩盟杯因恨別銜難放句為
愁多對未成逃席追須防將種偏師攻不下長城也知金谷
難辭罰一夜安仁白髮生

胸城雜興

隱約霞城起郁洲蒼茫雲陣下龍湫亂峰千點海邊雨長嘯
一聲天外秋采藥好尋黃葉路衝寒難覓黑貂裘美人誰把
琅玕贈空學張衡賦四愁

黃兒墓草向黃昏秦碣千秋尚作門永夜星河長伏枕滿天

風雪獨開尊蓉城莫問三山事石室空傷萬古魂淒絕桐鄉
舊游地桃花零落更誰論

笳鼓聲高動戍樓驚鴻影亂度城溝黃雲罩海龍宮晚白日
銜山馬耳秋雞蹈舞殘小垂手月明唱罷大刀頭鄉關有信
憑誰寄一片寒砧暮未收

壑樹寒雲黯不開荒城滿目見沙埃夢隨煙雨江南去詩挾
風濤海外來聽徹烏啼空涕淚錯認蜃氣作樓臺天涯又見
關山月歎息征人尚未回

胸陽紀事雜詩

余曩居胸陽十二年孰志其風土久矣重游斯地世態

日新時與一二故人翦燈話雨追述往事兼徵新聞感
慨之餘不能默默言雖不文儻亦風人風刺之旨爾

皇天屯其膏騶陽滿秦東自冬徂春暮終日號狂風惟見沙
漠漠未覩雲雩虹藏久不見白日當晴空老蚊臥不起深
潭睡神龍健步憎旱魃推車休雷公倏然密雲布竚俟陰雨
濃霾翳乍吹散蘊隆旋蟲蟲甌窶背墀畊作妨三農故老
仰天歎無麥民命窮占星望龍見取水探龍宮舞雩帥女巫
禮拜隨兒童吁嗟而祈雨哀聲徹蒼穹州牧正開宴坎坎伐
鼓鐘

瀕海水多鹹眾喊苦鹹澀城南雙龍井甘冽差可汲聊足供

淪烹未敢溷庖溜久旱泉源枯竟日得涓滴是時斗建辰春

意動淮北山城鮮名花郡齋多嘉植棗香亭之前寄柯齋之

側亭齋俱在州治蘭蕙揚幽芬牡丹豔國色放衙笙歌沸高譙賓僚

集百重錦障護一片香雲逼積旬雨未下根枝皆槁立促發
調水符有似催租急百石未足供十夫不暇給泉竭羸其瓶
鞭朴即交及旁有田舍翁對此長歎息漑茲一畦花奪彼千
戶食

城東有大第鬱鬱何盤盤樓閣轟天起複道交迴環問是誰
家第此第屬太原太原今府吏富貴無比倫十三為小史二
十專府權三十八貲選當得丞簿官家僮數千指腴田連陌

阡前堂陳寶玩後堂羅管絃沉沉府中坐府吏壽萬年肩輿
忽啟門當闕問何人門外騶從答云是州郎君郎君上聽事
脫屣走遷延再拜獻卮酒願翁壽萬年就席復長跼細語何
絲絲兒奉大人命命告吾翁前明晨有一事願翁相周旋顧
笑謂郎君歸為府君言此事勿復陳府君壽萬年

十里聞酒香酒樓臨大路屋後倚女墻門前蔭嘉樹甌盃列
標題豐沛及汾潞游人游春還到此足每駐何來一老兵顏
色甚驕倨入門坐上坐清酒為我酤一斗買高粱百壺買花
露紛綸進牛炙大嚼并雉兔傭保徵酒錢酒錢排陌數脫我
胷下刀且當酒錢付肆翁挽衣道此物無用處老翁一何懦

老兵一何怒赫赫中軍標下令敢枝梧明年考官時看我作
官去

有客跨怒馬手挑青絲韉摩挲七寶劍俠導重英槍問客來
何所客言生大梁自小喜椎剝縱橫充豫量少長慕猗頓貲
財埒侯王竭來東海畔雄視淮北場遂專監鹽利來往過六
塘前飛兩黃鵠後載雙舩黠奴百十輩一一盡急裝下馬
入逆旅逆旅皆驚惶為客拂鞍轡請客坐後堂推牛買魚肉
錯雜羅酒漿大婦調琵琶中婦理箏簧小婦前上壽俠拜進
一觴上客且安坐此樂樂未央

愁雲連海氛綿互伊廬山山中有一士自小生孤單弱冠娶

新婦新婦家前却婦家何鬱鬱婦姿何珊珊娶婦才一月比
翼憐文鴛晨粧花影豔宵杼燈光寒夜闌方就寢門外何譁
喧闐然破戶入三五輩少年賈間白刃插頭上白布纏自云
奉府帖村裏來捉人夫婦各驚起大聲疾呼冤民實無罪過
何用相拘牽羣盜相顧笑此婦好容顏縛夫著堂柱縛婦著
門闌婦跪前致詞聽妾陳一言妾有嫁時衣一一箱中填翡
翠雙條脫珊瑚間木難上頭紫金鳳壓底青銅錢明珠三百
顆顆顆紅絲穿不足獻義士願報活命恩羣盜相顧嘻此婦
寔大賢拔女頭上釵脫女耳上環嘉女辭旨令留女白璧完
抽刀斫牀足一散如雲煙凌晨告郡將郡將來門前裴裒不

敢捕捕者視斫痕

晨泊五丈河河邊數百戶隻日人趁墟喧闐聚行賈高軒從
北來僕從雜風雨傳呼聲甚厲觀者如環堵下車坐當街羅
拜列男女鬢鬢四十餘皤腹氣如虎里保饋壺漿市魁上計
簿某賢某不肖一一為覩縷某也惰當罰某也功宜敘中有
一少年顏色獨慘沮叩頭謝罪過坐上拍案怒聲女其難償
擢女髮難數鞭女背一百後犯不貸女諾諾復爾爾解衣受
捶楚須臾處分畢雜還進酒脯從容上車去日色正亭午借
問道有人向者何官府搖手道禁聲附耳作小語此是州茂
材此是吾集主

篳篥

篳篥一聲哀寒雲萬仞墮秋風人中酒落日客登臺海氣連
潮上沙聲卷雁來側身南望處腸斷憶蘭陔
慷慨看天嘯難斫地歌流光驚歲序失足怕風波日暮豺
聲合山荒虎跡多索居殊窸窣中夜故人過

書懷柬香谷

搖落天涯歲暮時商飈中夜動愁思未甘見笑同魚目尚欲
畱名惜豹皮傳世文章推白也少年瀟灑慕宗之他時珠樹
栖丹鳳可許鷓鴣借一枝

題王藝昉江南詞後并示香谷

譜就江南絕妙詞王郎愁緒正如絲尊前莫唱家山好腸斷
青楓月落時

夫容洞外舊停驂重約芳卿夢裏探彈徹胡琴海潮上不堪
回首望江南

橘奴千顆乍經霜榕樹峰高接故鄉夢繞江南更南去秋風
吹雨上桄榔

香谷閩人

即事

披裘不受朔風侵孤負延陵空見尋季布何妨輕一諾魯連
豈肯受千金籠中鶴有乘軒志濠上魚無食餌心莫笑吾生
終未化豈因淮海變微禽

得失

得失難蟲孰汝親六根纏縛豈前因可知毛遂無餘子莫笑
徐陵不識人徐陵多忘每不識人海上蜻能無我相夢中
蟻亦可憐身不須舉扇還遮面未必元規尚有塵

長相思

長相思在何許乃在陽臺之南峯洞庭之北渚波鱗鱗兮媵
魚山杳杳兮多虎霧冥冥以晦靄靄填填而震怒秋聲一夜
起秋浦金支翠旗下漢女陽侯抗音冰姨鼓黑螭歛簫黃虬
舞幽篁終日不見人欲往從之不得語長相思淚如雨

野田黃雀行

遊莫逐雕陵鵲棲莫近瑤臺鶴瑤臺露冷鍛羽翰雕陵風高
遇矰繳黃雲夾隴梁稻肥關河阻絕不得飛鷗波浩蕩鳥道
嶮巖鷹鷂下視尉羅高施黃雀行聲正悲野田餘粒啄欲盡
蓬蒿滿目將安之

昏鴉

昏鴉依樹噪憐爾欲何之落葉疎林外天寒日暮時却荒街
肉過雨細立枝危努力避矰繳人情正嶮巖

雪

檻外舞猶急簷端飛不齊一從辭碧落遂爾隔雲泥著樹形
難定隨風勢欲低紅鑪如可試終勝墮荒谿

感舊篇贈李丁香谷

乘楂亭子俯滄溟環玦微茫一髮青舊種桃花推半剝近亭

先生為新開石室憶傳經憶昔胸陽留滯日謫仙才調知無

匹州司馬太學人爭御李膺香谷肆業國學鬱林碑好摹崔逸雲臺山鬱林觀磨崖碑唐

逸司馬子崔我也鱣堂效鯉趨流蘇寶蓋屢停車揚脩纜解

陳家果趙括空能讀父書西望長安愁不見神交已久心常

戀南山七日未窺斑北海三年求識面僂指蘭成射策年相

逢海國喜前緣解成進學書三上詩補循陔笙六篇招攜同

躡城南路石鼓歌殘叩銅鼓鐵馬冰車斷續聲江風海雨淒

涼語過從朝莫輒論文馬耳峰高映夕曛白也詩歌傾賀監

習之才學擅韓門春深南浦恩恩別從此萍蹤相隔絕駿馬

長嘶冀北風孤松獨倚秦東月首蒼荒蕪稼實空杏壇倏忽

起悲風修文路阻重泉下發讖期占四月中成書受託空三

歎難繼龍門與虎觀馬遷遊洛正辭親班孟偏孤纜弱冠讀

禮依然日過庭案頭尚有讀書螢殯宮一樹枯楊白講席三

更鬼火青秋深河鯉傳書至帖看泥金初破涕敬告南豐一

瓣香而今方叔新登第三十成名莫歎遲應憐鸞翮鍛襪襪

當君席帽離身日正我牛車挽匱時重趼千里還鄉葬歸途

又值邗溝漲壑地黃雲卷怒濤連天黑月翻飈浪歷盡風波

始得歸歸來涕泗溼麻衣墓田葉落雙魚拂茅屋苔荒一鶴

飛碧桃無主棠梨謝淒絕秋風春雨夜秋風旅雁斷庚郵春
雨慈烏啼丙舍丙舍松楸間薜蘿文狸赤豹日經過幽篁灑
淚悲風木蕤露哀歌廢蓼莪玄廬乍啓歸塋兆馬鬣崇封魂
魄香蒿里從今掩夜臺龍岡何日題阡表一枝且自託深林
未報春暉寸草心願影懨懨除素鞞成聲切切理焦琴自憐
塊處同桃梗指點青楓吾谷靜舊雨飄零逐斷蓬晨星寥落
存孤影珠玉隨風落九天江南蓮葉正田田虎阜乍傳書畫
舫胥江還泊孝廉船竭來打槳吳趨道咫尺天涯惜芳草自
是停雲我賦遲不關落月君歸早別緒愁悰不可刪昌門楊
柳那堪攀誰知飛倦天邊鳥又被風吹出故山無端獬犬憎

蘭佩千里忽來櫟陽逮重遊東海感蒼茫惜別南陽辭慷慨
班荆話舊意縱橫邀我高堂拜曼卿淪落應揮司馬淚艱難
方見故人情攜手相將尋石屋雲關深鎖松花綠古瓦霜濃
紅鴿棲空階霧翳蒼巖宿陵谷遷移拍郁洲蓬萊無路涌吞
舟高公島畔魚龍晚孔望山頭草木秋海中蜃氣成煙霧荒
山魑魅迷前路策蹇休猜薏苡裝垂竿難習珊瑚樹吟成莊
舄對南冠捫蝨庵中共倚闌赤弩浮樽地陣曲青萍出匣電
光寒只今歲算方回轍關山隔絕紛紛雪燭影闌珊月影低
鼓聲悽斷簫聲咽此去應過胯下橋長淮溢涌盛波濤城東
漂母能分食市上王孫怯帶刀回首鴻泥竟如此浮生聚散

隨流水解劍寧忘漁丈人買絲好繡佳公子愁雲縹緲起雲
臺落日悲笳雁影來他年燕市重沽酒擊筑狂歌劇可哀
發胸城回望雲臺山淒然有感書此志別
亭亭迴指是雲臺丹燈青屏四面開豈惜今朝成遠別更知
何日又重來飛時祇恐隨靈鷲沈去應難辨劫灰還勸麻姑
到東海并鋤黃竹不須栽

泊中正疇

野岸橫千頃沙灘合四圍蘆花飛不定鷗鳥近忘機舟子橫
篙臥漁人打網歸此中多樂意靜坐對斜暉

舟行大伊山道中

蒼莽塵沙裏孤舟一葉來濤衝煙陣立柁翦浪花開天地穹
廬合風雲算角哀伊盧知遠近指點亂峰堆
樹鏢千山霧帆分兩面風凍雲橫大野飢隼下長空日落邨
初暝潮歸浦不通水程今百里回首憶秦東

未至安東三十里日薄西山矣邨路崎嶇口占二律
客程猶卅里天半已斜陽曠野迷平渡驚飈撲大荒緇衣染
沙白紅葉帶雲黃何必向京洛始嗟前路長
暝色壓吟鞍誰憐行路難近河風力壯薄暮日光寒蜚鳥投
林急飢鳥啄肉殘豺狼當路立策蹇莫盤桓

侵晨

解鞶方薄算策蹇又侵晨野熟多堆稻村荒不見人殘霜留
爪印鎮日兀尻輪髀肉消磨盡風塵感慨頻

旅寓淮陰志感

平生作計歎迂疏獨守殘經破五車李廣數竒當上簿賈生
年少欲投書三冬雉入淮為蜃一斗波難壑縱魚便擬乘風
訖閭闔豐隆無意竟何如

自題秋風感別圖

三洲鐘鼓浪湯湯萬卷琳琅石室涼江上蘆花迷皓月中
橘影鬥新霜故人容我如張儉老母教兒學范滂擬向鬱洲
就根矩休將招隱問淮王

有酒如淮醉不支清流祇畏濁流知觀濤我欲從枚乘賣餅
人誰識趙岐近海樓臺驚刃夢橫江風雪阻歸期不堪重向
圖中認愁絕秋風遂一枝

寓居淮陰僧寮一夕忽有武弁數人見訪且欲締交
僕病未能從也感其意為作長歌

精廬闕寂依釣臺蒹葭繞廬門不開燈前苦吟聞剝啄足音
忽訝楚然來啓闕肅容攝衣起騶弁雄冠二三子為言竚聽
讀書聲定有竒才貌青兕執手高譚大歡喜縞紵請從今日
始有酒須傾胯下橋揮金且過淮陰市我生二十無知己四
海如君今有幾當時若見韓王孫肯讓鄼侯識國士惜哉搖

落已如此武達文通竟何俟多謝殷勤脫寶刀語客且休吾
倦矣于嗟乎人生相值如浮萍封侯骨相術不靈馬周獨向
肆中酌伍高空夢天邊星齋堂鐘鳴客往去挑鐙且誦陰符
經

悲歌行

我今鬱鬱久居此土胡為哉鶴囚籠中燕巢幕魯門風暖將
為災羽翰摧殘六翮折不能乘雲驂蜺容與遨戲乎九垓鷄
雛遇鼠嚇鳳鳥為鳩媒荆璞遭明足隋珠含禍胎竹以直而
伐蘭以薰而摧古來豪傑遭岷岷不得志橫被蟻獺蝨蝻
相疑猜飛霜擊地鄒衍恨銷金鑠骨文通哀男兒成名患不

早安能寂寞長煙苔隆冬雪花片片吹落淮南宅何人高築
黃金臺夢中忽然晉間寶劍化龍去覺來灑淚成瓊瑰錯中
餘藥雞犬亦舐盡不如倒取玻璃盃凌晨步上危隄望黃河
之水奔騰傾注而東來天關撼動地軸側盤渦轂轉如奔雷
洪濤洶涌浪彭湃觸石激埼何喧飀驚風駭森翳白日噴薄
雲霧蜚沙埃木龍石埽撐拄鼉鼉蛟螭不敢上但見溟渤淼
漫潰漉泮汗陰雲而陽開

國家治河兼挽漕束以高岸雲崔嵬歲縻

帑金百萬萬厓隄泐嶮還崩墮撫卷空懷賈讓策論世緬想
王尊才河渠書并水經注脈絡拍掌誠恢恢不朽事業貴自

立不然委謝隨蒿菜流光易戢身易老齷齪守此真凡材曾
懷藝壹誰與語茫茫獨立空悲哀嗚呼我今鬱鬱久居此土
胡為哉

發淮安

檣烏聲作斜拂女墻過四野星光大三洲雁影多篁青狐
鬼嘯月黑虎偃歌擬就前邨泊還愁蜃氣譌

阻水寶應

天際驚聞十月雷銀山遙擁亂流來黃河浪迸聲初壯白日
暉沉凍不開放溜祇通漸瀲瀲積凌彌望雪皚皚側身斷岸
前途隔彈缺商歌迴自哀

寶應

湖水環其左邗溝轉向西萬家當孔道百雉隱危隄地少舟
為宅徭多吏牧羝哀鴻中夜詔四野有窮黎

泊舟寶應南并敘

庚午九秋余兄弟自海輿匱旋里月幾望次淮陰迺舍
車而舟焉清晨發擢順流駛下日未晡已軼寶應而南
忽淮水異漲邗溝東潰舟距缺口不及里許全家性命
幾葬魚腹植椿維舟進退罔措老母憂傷頭髮盡白殆
將帀月矣適大吏來視河鑿隄通湖以引糧艘挽舟從
之懂而後免重泊故處盡然傷心感賦一章潛焉出涕

八寶城南甌社東記懸性命亂流中舟沉幾欲從廉范水退
何嘗為庾公卅口幸歸吳郡土一颿又試楚州風沿隄枯柳
如相慰曾見西華哭路窮

邗溝道中

一颿飛鳥過兩岸亂流分湖氣吞殘日江潮卷暮雲沙鷺黃
浩浩凌斷白紛紛孤雁投何處哀鳴不可聞

泊瓜步壘前韻

江城循岸合江水向人分小泊依瓜步長歌過曉雲烏鴉聲
聒聒蘆荻影紛紛空憶桓伊笛千年不復聞

示內二律

相離思若忽相見痛方深勞汝三更夢知余一寸心張儀空
有舌蘇季已無金一笑推窗看寒梅發故林

折來當歲算斗酒就卿謀對此晨葩潔因之夕膳脩慈烏啼
往復雛鳳語清柔願保天倫樂相依共白頭

鈔淮海集竟自題卷後

秋雨秋風怨別離死灰飛後準歸期已悲枯樹無生意况值
飛鳶欲墮時淮海飄零誠命也關山險阻備嘗之竭來先索
梅花笑腹底冰霜一卷詩

五十二

昭陽作聖

梁子一行

不肖市穀翁心存二銘



滋蘭蘭何榮鉏蘭蘭何辱蘭心人未知蘭言我代錄不願棄
蘭風戲謔效棄濮不願徵蘭夢裡祀帶弓韜願譜宣聖琴猗
蘭操雅曲願歛孝子笙陔蘭詩補束願紉忠臣佩秋蘭炫奇
服素心苟有託不妨貢華屋素心儻無偶不如守空谷湘纍
去千載沅澧渺芳躅采采欲遺誰薺麥一庭綠

知止齋

知止齋詩鈔卷第二

北麓集上

昭陽作噩

蘭言篇

常毅翁心存二銘



滋蘭蘭何榮
 鉏蘭蘭何辱
 蘭心人未知
 蘭言我代錄
 不願棄
 蘭風戲謔效
 棄濮不願徵
 蘭夢裡祀帶
 弓韜願譜宣
 聖琴猗
 蘭操雅曲願
 歛孝子笙
 陔蘭詩補東
 願紉忠臣佩
 秋蘭炫奇
 服素心苟有
 託不妨貢華
 屋素心儻無
 偶不如守空
 谷湘纍
 去千載沅澧
 渺芳躅采采
 欲遺誰薺麥
 一庭綠

孤館不寐用東坡次王鞏獨眠韻

騎龍上天飛尺木手摘春星大如粟素娥珊珊鳴佩玉駉鸞
邀我月中宿天風吹夢斷不續雲車載愁折車軸三更寒雨
打枯竹簾波生霧燭花綠

巫山高壘前韻

陽烏呀呀登若木涼蟾瞪目齧金粟羲和珊鞭敲紅玉吳質
倚樹廣寒宿日車月輪走相續巫山高高翻折軸麻姑東海
栽黃竹兩鬢如霜感蛾綠

湘煙曲再疊前韻

金猊爇盡檀栢木繡佛長齋禮金粟盤中詩白落珠玉門外

雲塘鷓鴣宿溝水東流不可續欲借并刀鏤車軸泪痕斑斑
溼湘竹湘山橫黛湘煙綠

寄外舅秋濤先生時先生奉檄往南贛

書報尊前慰所思開緘定值仲春時遙知庾嶺梅花盡轉寄
江南第一枝

十八灘頭深復深鬱孤臺下月沈沈鯉魚若過灘前去一字
真堪抵萬金

入春以來濃陰不解仲春望後月忽晴朗喜而有作
天公畢竟怕無情破例今宵也放晴掃盡絮雲千片溼洞開
銀闌萬尋明半春花事渾如夢二月寒波分外清料得常娥

應恨晚落梅如雪撲簾旌
冰壺淨洗絕塵埃快意今年第一回
萬里乾坤凝皓魄半天
風露下瑤臺縱教明日光如舊卻憶前宵霧不開
莫放光陰容易過當頭明月手中盃

二月十七夜月

連日雨迷漫飛來白玉盤如何光皎潔已過影團圓
皓魄愁難補清輝幸未殘
盈盈十五夜爭許外人看

春雨感懷

春雨已愁絕况當寒食時更兼懷遠道何以慰相思
風定落花急霧深飛絮遲
因之夢胡蝶明月照空枝

清明苦雨追憶舊游有懷石室諸君子

萬樹桃花石室開年時此日倒尊壘
竹鑪試茗分新火銅鼓敲詩和晚雷
一自仙人歸碧落祇今遺跡委蒼苔
江風海雨淒涼甚憶著停雲首重回

曉晴

亦知晴更好底事太匆匆雲擁峰頭白
煙烘日脚紅清光繞北渚
暝色又東風一夜蕭蕭雨明朝路不通

復雨

蚤晴晴不透涼氣似秋陰又曠一天雨
終成三日霖殘更聽蛤吠孤
遂寫龍吟夢繞飛花溼沈沈不可尋

卷簾看花園

放下銀鈎巾月陰闔心開後到而今描成繡譜悄悄坐轉過
屏山曲曲尋一角斜陽和景卷十分春恨對花吟昨宵紅燭
高烧處隔著重簾海樣深

檢點舊詩凄然有述

筍束影何瘦蟲號聲自寒吟成新句易改到舊詩難莫鬪千
篇富先求一字安錦囊羞澀甚生怕嘔心肝
自抱龍門痛回思鯉對時城南符學進海外過文奇一慟承
遺訓三年廢業詩祇今繡舊藁血泪染烏絲

讀孟嘗君列傳

雞鳴狗盜溷庭除草具何嫌禮太疏坐客莫勞持飢比馮驩
久已食無魚

張孝嬪詩

鴛鴦月夜詔羅徑山鬼乘狸索襖禁張家老母中鬼病張家
有嬪祈母命磨刀寘水赫靈香香煙一縷燭兩行誓將割肉
代鑿藥丸閻夜奏通天章是時月黑風雨急三更無人影孤
立叩頭拜禱北斗垣精誠動天天亦泣拜罷亟起手握刀刀
光電閃星辰搖左手攘袂勒錦條右手揮刀起怒飈剗肉一
片如胡桃辟血歎薄飛紅潮淋漓濺灑三尺高急裂袷幅四
巾包擲刀插地祇鬼號以肉抵几色不撓酌湯注釜慢火熬洗

肉投釜調作膏威姑醱之如醱醪二豎退舍服烏逃于嗟乎
吾聞介推稱義士割股啖君君不死又聞張密稱孝子割脰
進母母疾起此事竟出閨閣中孝嬭之名不朽矣君不見張
家奇孝萃一門生女又作代死人

曉起即事

雨洗山骨青日透煙光紫寒衣弄荷珠珠翻衣濺水

遣興

嘉樹扶疏靜掩關似聞簾外雨潺潺奇書合讓寸人讀清福
能消永晝閒剩有名心難免俗只除詩膽尚嫌豚倦來欹枕
尋仙夢夢到蓬萊第一山

九日偕曾石谿福謙陳梅江理兩茂村小集趙叔才
上舍元愷總宜山房書感

手把清尊望翠微登臨力倦惜芳菲山如有意留青眼人自
無言對白衣醇酒可能催早鞠循陔只願駐斜暉商飈一夜
林前到落葉冥鴻下上飛

梅江登賢書石谿中
副車此語竟成詩讖矣

簡梅江孝廉

十歲長于我知君我家真無慚三世德莫負百年身立志非
謀食微名豈救貧會當登要路風俗坐還淳
秋風曾小別為我補秋圖江海片帆遠冰霜一客孤賓鴻懷
故侶退鷁感今吾他日重披覽鷗盟記得無

感事

九服歸

皇極三辰拱

帝居如何揮白刃竟敢犯

丹除幟立黃巾號門填紫草車由來畿輔地防衛未應疎
沴氣環黃道妖氛貫

紫垣赤丸爭斫吏白土竟書門豈有飢寒迫渾忘

教養恩蘖芽萌已久誰肯進危言

蛾賊窺

宮省蠹旗傳

苑牆

液池傳信礮

乐殿發

神槍

智勇

天心協明威

帝命彰霆聲聞一震狐兔敢潛藏

祇謁

三陵後安驅

萬乘回百靈森翊衛一騎縛渠魁不有匡時略誰知濟變才

九門開誅蕩蚤已淨塵埃

慧宇前年見兵占兗豫州黨連十常侍星動五諸侯赤縣今
無警潢池盜未休

王師聞奏捷蚤晚滑臺收

責已申

明詔

求言訪直臣歡噀騰市宇涕泣捧

恩綸革面安遺孽淪肌感

至仁敬共

箴有位勗爾戒因循

重有感

左道傳青領凶徒聚黑山已殲荆蜀外又煽濟河間豺虎中

原徧貔貅列戍閒

承平寬大政鑄象漏神姦

虺毒

京畿伏狐鳴大澤呼儻教同日發或恐遑

天誅賴有神明宰先擒桀黠徒功存

宗社鉅烈烈况捐軀

殺氣纏河朔昏霾起滑州占星環貫索禍毒縣祭蚩尤殺魄風
霆逐貞心日月伴崇祠褒卞壺大義炳千秋

北望黎陽戍連烽過大伍令丞能仗節慷慨共登陴百戰推
封豕孤城臥老羆酬庸雖未及蘭策姓名垂

指日申

天討膚功奏聞臣長圍空四合逆

命已三旬節鉞徵盧植韜鈴偕寇恂清河威望重破膽說江
神

一鼓堅城克

皇威捷伐張荒津開白馬小劫過紅羊從此煙塵息欣看玉
鏡光瘡痍猶未復綏輯在循良

鄧尉探梅限二十三漾韻

羅浮高高在天上吟魂夜繞梅花帳鄧尉山梅笑煞人縞衣
入夢延幽訪入山探梅梅未開翦取寒雲學花樣花香雲香
一氣連縷縷春心此中漾山頭仙遂三兩聲千花萬花一齊
放一白遮卻青山青花神合使山靈讓青天飛下千玉蚪鐵
榦槎枒怒相向或低或昂或偃蹇或臥或舞或紛抗初疑瑤
臺古月形又疑峨眉積雪狀雪耶月耶不可辨白鶴中間自
飄颻翩然跨著鶴背游萬樹明珠都在望銀河無聲星斗寒
翠羽啁啾引圓吭麻姑兩鬢元霜垂綠華雙頰紅霞漲手弄
春星半天白美人姍姍期夕張酒酣雒誦秋水篇細嚼梅花
轉惆悵安得年年花下來人與花俱壽無量青山作主花作

賓為花滿酌屠蘇盞靈巖空嵌故雲龕元墓突兀撐晴嶂具
區漭泱涵靈根洞庭幽宵開祕藏萬山圍住太古香留取乾
坤氣清曠問花不語抱花眠白雲為被山為障詩情花韻一
齊飛赤腳踏破香海浪捉得羅浮山頭仙蝶歸持與鄧尉山
梅作供養

新樂府四章

相馬篇 物色駿材也

秋風獵獵秋草黃萬馬昂首高騰驤一馬應塊誤一蹶悲鳴
錯莫臥道旁雙瞳電閃氣凌厲五華雲被神飛揚于嗟女相
非尋常為女拂拭生輝光玉鞍珠勒金絲韁逝將致女貢玉

堂中途逢伯樂呼馬而告之爾志倜儻爾精權奇爾跼鑣纏
爾馱鞵羈朝浴搏桑夕稅咸池爾胡不馳驅服秋御而徒奔
蹏泛駕為媚女骨節弭女姿軒衡衛轂會有時君不見
金馬門高高百尺門外七尺八尺金馬式

識曲引 辨正文體也

楚引停餘音吳歎佇緩唱請為一曲清商歌歌聲響遏行雲
上正聲微茫新聲新引商刻羽空入神廣場掄袂朱脣破坐
而聽者無一人乞君聽邀君顧不惜歌聲三日繞梁飛願得
知音拍點曲中誤擊齊瑟彈秦箏歛玉篴炙銀笙轉喉變調
為新聲情到情至移人情移人情一再鼓發揚荷奏激楚湘

君揚旂天魔舞姮娥抗音冰姨語太容點頭按仙譜天花簌
簌落紅雨昨日法曲領太常八風回回音嚶嚶伶倫識其曲
曰此曲學鳳皇奏之

明光一片諧官商

書估行 購求異書也

生不能立致祕書賜萬卷亦當坐擁異書列百城不然遠從
雞林賈不然學作童子鳴書香可療饑書味可救渴攤書書
牀塞書屋書估一生書裏浴不願借書換酒券不願獻書拜
高官願向卿環福地住盡發寶笈瑤編看壁中簡帳中本壺
盧中漢書寶之莫蝨損春江三月書船開離騷一篇酒一盃

荀人錯把孝廉認書臺高等黃金臺書估樂復樂書田歲播
穫邢家小兒強解事揚家老子空投閣笑殺偷書祖孝徵祇
須一部華林略于嗟乎絳雲樓瓦飛雲煙汲古閣址成閒田
不如歲誦二十二萬言孝先經笥書便便撐腸拄腹卷五千
濃香薰薇露盟

國家方開崇文館

河兵謠 咨訪河務也

鳴金鉦擊鼉鼓催人夫唱邪許大家齊聲用力舉萬斛金錢
一尺土一尺隄陷一尺補上頭有官府女休女臥不貸女朝
搶險外河隄暮搶險裏河隄朝朝算算腹苦饑手足皸瘃面

目驚若然一聲如崩雷黃河之水天上來木龍石埽撐拄龜
鼉蛟龍不敢上餘勢鬱怒千縈回三月桃花汛六月礮山水
糧艘過盡十月中舉手加額普慶安瀾矣朝來出營房官府
告示何煌煌銀一分泥一筐銀一百柴一方歲請帑銀數百
萬盡輸河庫完隄防河防完河兵多替防盜令防河安得三
千鐵弩手一齊射住黃河波萬古不動如山阿黃河捧土如
可塞老兵願先以身填河死報

國

閼逢閣茂

夜航船竹枝詞

采蓮莫采並頭蓮趁船莫趁夜航船房裏心多花易謝船裏
人多夢不圓
月上空灘人未來船頭打鼓長年催船梢媼女晚粧罷夫問
今宵開不開
開到長亭十里程月華如水一船輕人聲才靜艣聲起還有
趁船人喚聲
瓜皮艇子漾中流洗腳欹眠湖上秋三更潮上船須上載得
槎頭鱸百頭
誰家攜酒寄三罇熏得滿船人不醒阿儂笑指天邊道太乙
船旁橫酒星

鯉魚風起波溶溶一箇魚鱗波一重儂船還比鯉魚快一月
寄書三十封

船背輕霜白似銀船中強半異鄉人鄉音纔要分明認夢語
饜飴又不真

兩隄紅日照高樓樓上珠簾初上鉤唱罷夜航新樂府一天
花氣近蘇州

二月望後一日大雪學使陳公希曾集試者五十六
人命賦勵志酬知詩四章以舉實為秋為韻

惟

皇撫寰區

宵旰屬

當宁雨兵洗櫓槍風教式樽俎使星炳牛斗銜

命莅黌序品望重李韓手筆推燕許挹將西江波灑作南邦
雨宏開廣廈庇兼采藥囊貯四知絕餽金三載陋刻楮庶收
大雅材用以副盛舉

三吳文物地先民事著述論文士衡才賦雪思光筆年來趨
嚮歧末學竟佔畢蟬噪和以千竿吹聽少一錐歌白雪辭誰
操回春律卿雲麗曾霄夜光罔遺失珠玉落九天隨風化六
出共摘庶子華毋忘家丞寶

橐筆來鍊院節屆中和時祥雲積階城習習輕風吹粉廊列

多士濟濟振羽儀騰身跨白鳳觸目信可師願履中和節夷
坦行不危顛抱冰雪心清白涅不緇願五十六人此志共矢
之嗤佗聚星堂白戰空爾為
鯁生實不材弱冠事壯游防身倚一劍豪氣隘九州中華公
未拜正平薦不收竭來謁宗匠拂拭登膺舟和風扇小草廣
海納細流雕蟲媿薄技知己恩難酬師門許立雪請上百尺
樓商略天人際事業垂千秋

論詩絕句十八首

一代文章正始音漁洋三昧印禪心波羅蜜果都參透卻恠

隨園論太深 王漁洋

鴻博詞科侍從臣曝書亭集映千春華嚴彈拍樓臺累幾箇
詞人是學人 朱竹垞

精醇第一竿愚山古格高風孰可攀字字性靈清到骨凡塵
一例盡教刪 施愚山

唱徹崎嶇蜀道難荔裳身世累微官宦途人海風波險收入
詩囊當譜看 宋荔裳

紅豆山莊蹟已沈虞山詩學數誰深默庵太峻湘靈僻衣鉢
終須屬鈍吟 馮鈍吟

絕妙婁東十子詞就中顧許更交推殘膏賸馥皆珠玉那不
傾心祭酒詩 顧伊人許九日

文格真堪繼柳韓詩才欲比阮亭難堯峰全集分明在莫把詩文一例看

汪鈍翁

日下論詩孰家工魚魚雅雅起隕風一時餘子應低首除卻綿津數考功

顏脩采宋牧仲

毛公真作五經師諧語譚詩足解頤駁得髯翁尤絕倒春江水暖鴨先知

毛西河

月明空唱大刀環鐵馬冰車出漢闕蕭史青門成絕調又傳一曲浚稽山

吳漢槎

非非想本自天開一卷談龍足辨才米釀酒成花釀蜜箇中三昧孰參來

趙秋谷

重現髯蘇說法身靈臺一點絕纖塵白描好手傳神白真箇

華嚴法界人

查初白

浙派誰教別體裁先生元是出羣材小倉山老詩中虎曾到詩壇下拜來

厲樊榭

承明通籍鬚毛斑晚達如公遇亦艱四卷原詩師說在白頭風雨說橫山

沈歸愚

才名海內重素絲開出尖新派一支還誦公詩作公贊不相菲薄不相師

袁簡齋

抗衡各各樹麾幢此事推素未肯降石破天驚忠雅集真教一口吸西江

蔣心餘

宏詞全集已叢殘葦碧軒詩半不完賴有暨陽徵士在滿江
風雨一蓑寒

家霽堂

刪除綺麗見天真誰作青蓮後替身擬向詩僊搔首問千秋
定論付何人

賦得客懷宜醉不宜醒

春陰一片滿天涯化作春情上客懷無計可消愁似海有錢
難得酒如淮黃金饒我才賦白眼從佗倦不措檢點鸚鵡
尚在玉壺茅屋好安排

太分明處惱難支謝豹嗁殘月上時萬河閩河霏玉雨一春
花鳥侑瓊卮詩如有味嫌詩澹夢不離家祝夢遲彈缺欲歸

歸未得佗鄉惟有醉鄉宜

無那長亭更短亭十分離恨樹冥冥不圖此地成孤客浪說
前身是酒星書只平安猶嬾寄箋多哀怨未堪聽銜盃試把
黃庭讀一角青山夢儻醒

奉題許朗軒舅氏西江游草即用集中除夕元韻

歷盡羊腸百八盤未嗟愁已上眉端文能奪命終非福貧只
依人事本難去日煙雲千里過歸來風雪一身寒編詩甲子
從頭起莫道詩情老易闌

舅氏今年
六月初度

得外舅秋濤先生書奉答

彩雲一朵到蓬廬欲激西江涸轍餘臣邦苦飢懷少肉小人

宏詞全集已載殘葦碧軒詩半不完賴有暨陽徵士在滿江
風雨一蓑寒

家霽堂

刪除綺麗見天真誰作青蓮後替身擬向詩僊搔首問千秋
定論付何人

賦得客懷宜醉不宜醒

春陰一片滿天涯化作春情上客懷無計可消愁似海有錢
難得酒如淮黃金饒我才賦白眼從他倦不措檢點鷓鴣
表尚在玉壺茅屋好安排

太分明處惱難支謝豹嗁殘月上時萬河閩河霏玉雨一春
花鳥侑瓊卮詩如有味嫌詩澹夢不離家祝夢遲彈缺欲歸

歸未得他鄉惟有醉鄉宜

無那長亭更短亭十分離恨樹冥冥不圖此地成孤客浪說
前身是酒星書只平安猶嬾寄箋多哀怨未堪聽銜盃試把
黃庭讀一角青山夢儻醒

奉題許朗軒舅氏西江游草即用集中除夕元韻

歷盡羊腸百八盤未嗙愁已上眉端文能奪命終非福貧只
依人事本難去日煙雲千里過歸來風雪一身寒編詩甲子
從頭起莫道詩情老易闌

舅氏今年
六十初度

得外舅秋濤先生書奉答

彩雲一朵到蓬廬欲激西江涸轍餘臣邦苦飢懷少肉小人

有母食無魚宦非得計何論客身未成名且讀書聞道
明光方試士故人今已坐高車

書感

和嶠胸中元有癖魯褒筆底已成神笑佗口不言錢者誤盡
蒼生是此人

早

下酉成龜墀初庚歎駘驕溝車空挂屋海汜不通潮水利應
難復妖氛或未消桑林

祈禱切誰為翊

昌朝

趙氏廢園雙桂歌

空山七月秋風涼風吹叢桂開山房房前房後搃芳麝散作
十里天花香花香醉倒花深處香夢迷離繞香霧主人邀我
去看花遙指前邨南阮樹南阮蕭條家絕貧廢園池館委荒
榛割來半晦猶留券賸有雙株未作薪隔園花氣先薰客入
園况入花王國萬斛濃蒸玉露華四垂飽孕金精色一株撐
破青冥濛一株偃蹇迎秋風連蜷枝老千秋碧屨殿心合一
縷紅落英簌簌飛塵土漂零似詭花無主拾取殘花坐石磯
花前為我低徊語此園締構百餘年此樹栽培賴主賢地近
桃源花似錦家臨慈澗屋如船春缸釀就中山酒秋畦翦得

林宗韭巷外多傳長者車門前自種先生柳每到花開花謝
時竭來花下賦新詩酒仙歌罷飛千竿繡佛龕前供一枝一
時豪興多羣從賞花埽徑延羊仲啜月須傾鸚鵡盃持螯卻
陋伊蒲供曾侍先人几杖來尊前花底一衰裳為憐花影騎
墻角為愛花香拂石苔誰知榮落須臾變浮生彈指如流電
金粟前身夙夢醒樹漿此際幽宮奠一片冰輪化彩霞孤兒
出贅傍他家素娥耐冷初生魄桂子飄香待茁芽園林地僻
無人迹薜蘿緣砌塵凝席僵石全移到漑家幽蘭半賣羅舍
宅從此谿山日日非有誰還解惜芳菲春風幾度翻紅藥秋
水三更浸紫薇惟有此花香不改年年花發如金海黃雪漫

天月不波白楊嘯雨人何在詆到傷心感莫禁含辛擊涕幾
雷衿誰將示現維摩影寫入淒涼山鬼吟我聞此語三歎息
賦就長歌愁點筆七葉空增枯樹悲八公苦乏畱人術更憶
東郊也是園黃金十二鑄飛僊金魚鏢斷無消息靜對涼蟾

深閉門

吾家東郭逸園錢遵王先生嘗居之名也是園今歸蘇氏人猶呼為翁園中有十二桂軒

夜坐總宜山房桂華下聽李小霞山人馨彈琴

老榦得山氣濃芬鬱秋陰清微悟至理幽曠涵道心良夜招
勝侶坐石調素琴一彈復再鼓泠泠滌煩衿空山萬籟寂發
此太古音馥郁味逾澹攫擘意轉深仰視星月皎不知風露
侵瑤華如可寄招隱庶自今

秋夜汎舟石湖

我騎白龜浮滄溟回颺倒挂垂虹亭長橋駕空浪澎湃花山
兩道長眉青前途指石湖冥冥弄煙霧買得蜻蛉一葉輕飄
然竟入湖中云沙棠之柰雲母舟銀笙翠管坐兩頭美人一
去眇天末半輪明月湖波流湖波茫茫如此大兩槳如飛望
波拜楞伽山色背人歸影射湖心只如芥高秋九月湖氣涼
蘆花瑟瑟驚飛霜風鬢霧鬢香難即但見煙外雙妃央船頭
僊蓬踞煙破依稀月府歌霓裳琉璃一片四圍合便欲跳入
壺中藏鯉魚風起船尾立揭起篷窗浪花入鴈外青天分外
青星斗無聲插波溼我欲左攜陸魯望右挽張季鷹斫繪射

鴨誇精能木蘭舟上乘風升或言古人千載不可見試看農
圃堂吐蟠枯藤三更轉擢湖山靜極浦漁舟載笠簪歸到紅
塵十丈中夢魂猶帶吳江冷羨煞當年范大夫扁舟此去作
陶朱儻教網得西施日準擬秋風泛五湖

答曾韻卿茂材祐謙秋夜見懷之作即和元韻

幾年抱刺走秋風頑鳥投人語未工迎鮒轍軋思大海相牛
經細辨陰虹空將詩句吟三上絕少文辭送五窮一事傲君
筋骨健賃春還可學梁鴻

打稻辭

把稻稻穗輕打稻稻牀仰不聞墜穀聲但聞耒板響

叔才招同單師白學傅孫仲直文杓兩茂村小集總
宜山房食蟹師白詩先成走筆和之

昆湖蟹美誇吾鄉金爪獨產雲和塘豈知秋未陂澤竭論價
欲比無金昂筭銜杯斷不可致幽夢一片飛菰蔣山人山居
酒新醅招客夜飲過三商腥風恠雨撲燈燭滿盤赤玉輪困
衰擎來左右更羅列柶橙醬醋鹽齏薑老饕食指久跳動伸
手亂揣團尖忙雙螯先拗免夾舌半殼微露欣無腸金銀銛
利刮鬚膜玉膏肥膩流脂肪腦髓脚髓扶剔盡要從四角周
中央以手佐口口代手一擘再吸傾瓊漿中食把酒漱牙齒
三歎此樂非尋常去年潢池警兇豫其民蹂擾毛而方怒鼉

井底自尊大安效彭越稱侯王雷雨甲圻象占解

天戈迅指消欖槍鯨鯢就烹妖蜃殄春波滉漭蘇疲延稍銷
金甲事耜耨還似枯蟹迎風僵今年亢旱地龜坼江南江北
愁飢荒一畝五斗粟不穫恐少子粒輸官倉况聞湖直抗租
稅舉足觸網煩桁楊明年稻蟹不遺種吾徒那免餐秕糠即
今飽啖此亦足口角何暇舍雌黃爾雅熟讀竟奚益蟲魚箋
注譌偏竊監州無福不願作酒池遼遠思燉煌蟹圖蟹譜滿
胸貯鮒議忍令剛將糖得蟹不飲飲不醉明月恠煞人清狂
袞邊裛底溼淋漓一口直欲吞千觴呼童秉燭更拭几但見
墻角堆蟹匡客飽且莫遽逃席

師白詩有眾飲蟹鬚洗手煎將甜且逃席白蟹鬚洗手煎

蘭湯主人夜炊粥方駸汗流一吸香杭香

師白性不飲以予詩有一口直欲吞千觴白謂予亦
小戶故設大言耳作詩見嘲戲疊元韻奉荅

樊佃無才但弄脣長卿入夢助詩新明知妄語元虛憍聊學
曹洪諱倩人

金波澈灑繞盃脣雙戟欣看拔隊新時復中之飢欲死臣今
壯已不如人

卷耳清才陋補脣慣拈險韻鬪尖新一隻白眼終朝醒飽看
橫行世上人

設想

一片鴻濛啟秘函天根月窟露空嵌它時須乞媧皇補重待
詩人逐日劊

高閣

禮鼠銜書觸短檠蘭膏無焰半牀明樹環高閣兜風勢人擁
孤衾數雨聲結習只愁多識字救荒無計况躬畊城南二頃
吾何有且喜官租累尚輕

承歡

強作承歡把悶排晨餐未辨拾枯柴雨催菊意黃三徑風卷
葉聲紅半階乞米帖工兒學字典衣券厚嬾捐釵慈親一語
關心記須信吾生自有涯

題黃韻山丈奉巡撫索笑圖

杜陵野老家襄陽梅花萬樹環草堂東西南北歸不得一生
孤負梅花香襄陽小兒齋拍手笑煞老去詩人狂東游吳越
應齋趙南陟天姥浮沅湘北歸三賦奏天子著作上媿虞與
唐卻從秦川西入蜀芒鞋踏徧蠶叢蠻百花潭邊構新宅誅
鉏茅茂開榛荒爰居避風戀鐘鼓有似病柏枯相僵壯心已
隨短髮短托命猶賸長鏡長眷令原冷思弟妹駕鷲飛去隨
鵝鷓夢中繇花忽照眼覺來羈滯仍江鄉遠枝健步不可致
徑欲捆載煩羸網苦吟詩白羨何遜安得東閣開維揚先生
愛梅兼愛畫詩學子美格老蒼廿年隻身走萬里梅花冷美

詩人忙一官漂泊到巴蜀峭颿徑進凌瞿塘占星益部少驛
使寒香寫入圖中藏閭山閣水看已徧卻對橫素春茫茫種
花滿縣豈不好忍令秣芻虛年芳上官苦畱任莫府要使處
處栽甘棠先生掉頭不肯顧快過駿馬收危韁錦江波未動
天地秋風詎少鱸魚嘗故山息壤久不踐得毋鐵石為心腸
歸來大笑索花答花亦喜舞爭低昂拓室重開蔣陶徑論詩
俯廁曹劉墻即今晚氣蕭瑟霜楓絢爛紛丹黃賞菊新釀
秬秠米登高聞佩茱萸囊有時開口向天笑仰見落月窺屋
梁疏枝冷蕊解人意衝寒已似回春光兄酬弟勸避俗客不
辭一舉累百觴少陵有知應妒殺此願脩到三生債我來披

圖三歎息舉筆欲落神彷徨先公大叅有詩癖細摘佳句盈
巾箱畫手通神蕭尺木誰為題者宋荔裳此圖不知入誰手

石梅零落存荒莊

予六世祖大叅公權閩蕪湖時曾屬蕭尺木畫杜詩三十幅同年宋荔裳以詩紀之

詩載安雅堂集寒家中落此冊久失去作歌兼懷七葉感檐
予擬作浣花詩思圖以寓感未暇也

頭鐸語替戾岡嚴詩作日編杜集一例還索花平章

師白游仙詩云金銀祇許成宮闕不判些兒與世人

戲作一絕反之

珠箔銀屏相向開黃金為屋玉為臺刀圭爭許凡人用九轉
丹成換得來

四君詠同張椒卿鐸陶靜涵貴鑑兩明經作

大風芒碭起真王下馬時時拜大梁死後丞嘗留漢帝生前
圖畫走秦皇單車往事開脩武一擊先聲奪博浪兵法多師
魏公子素書不合數張良信陵

從此中原少戰兵千秋失計是長平兩言空仗先生劍一关
翻成豎子名祇向遺書求趙括更無奇策進虞卿廉頗老去
相如死愁聽秦王擊甌聲平原

三窟營成計最工薛公端合仗馮公債因牛酒魚飧費士賴
雞鳴狗盜功坐對偶人談土木手操兩帝定雌雄誰知道上
傳呼寵齒冷邯鄲一縣中孟嘗

同時一櫟居奇計八覽終輸大賈尊吳地山川開霸氣楚宮

雲雨啄王孫纔看刀劍羞珠履轉瞬頭顱挂棘門寂寞蘭陵
荀祭酒著書只辨萬餘言春申

四君之中信陵為上平原次之孟嘗特一反覆小人春申
則學文信侯而才又不逮者耳鄙見如此故四詩先後不
依列傳之次昨夕讀黃陶菴集其持論正復與予同可謂
先得我心者矣因附記之乙亥正月廿日

山館

窮陰寒谷逼孤館救表親白日不到地青山還背人孤嗚呼
社鬼樵語祝谿神默坐時長嘯端憂豈為身

夜飲

癡雲頭上豎長劍撥難開風力欺詩筆寒威敵酒盃眼中空
四海天上問三台起舞夜將半荒郊鴻正哀

郭外

郭外煙初合山中日已昏見人疑雜鬼閉糴不成邨俗薄詩
書賤年荒盜賊尊犬聲如豹吠里正又敲門

風雪

搏桑吹倒海雲殷鐵騎冰車一夜還作勢欲飛盤玉馬餘威
猶怒撼銅環濤奔萬丈松如答響入三更竹要刪曉起琉璃
成世界雪花痕塲禮寒山

寒甚有凍死者惻然憫之

縱使陽回大地春鳩形幾日幸存身那堪風雪催殘命可有
枵枵乞比鄰忍死僅能分振粟偏荒無處作流民四郊何限
溝中瘠還望賢良善拊循

買刀謠

有田不可穫有賊不可斫賣得黃犢肉作羹買得寶刀霜作
鏑賣犢賣田不賣身磨刀殺賊不殺人

陽鱈

陽鱈紛紛上揭竿清商哀角變新彈漫勞門設蒼黃棒豈有
人探赤白丸歎歲或憂虧正賦窮民到底識尊官偏災自古
尋常事不信今時臥治難

轉漕

轉漕東南

帝曰咨撫綏流允在監司饑荒幸免輸租調振貸何勞費度
支

聖主屢頒

寬大詔重臣終守

太平規富公成法蘇公策只在忠良佐

盛時

至日侍家慈飲

北陸迎長日南陔慶錫齡雪窺雙鬢白山映一衿青就婦謀

春酒呼兒誦孝經梅花消息到采采發芳馨

總宜山房曉起看雪放歌

曉色光明射窗紙童子大昭先生起空中誰灑水精鹽一夜
雪深三尺矣披衣看雪山房開凍雲壓山山為隕千峰萬峰
一齊失但見突兀撐瑤臺房前便是清虛府玉節踰躡樹幢
羽竹頭搶地強項僵松頂掀天怒鱗舞房後浩蕩臨平原藍
田煙暖生瑤琨角鷹側翅掠狐窟饑鼠拱足唬鷲墳雪花片
片大于掌玉龍天矯三千丈耳後風生少羽翰胸中雪亮思
疇曩前年浪迹淮陰城雪堆高與城頭平樓臺直接白蜃窟
玻璃倒捲黃河聲今春遇雪玉山山下白戰文壇誰健者春蠶

颯沓揮秋冕銀甲晶瑩盪玉馬今我鬱鬱意甚歡排空欲上
黃雲端鞭笞巽二叱滕六揮手亂撒冰珠寒卻笑書生健胷
腳壯志空思窮六幕橫江風雪敢干人不如高唱江南樂主
人坐擁狐白裘銀餅煮酒聲幽幽平頭奴子進羊胛只少侍
女搗葶須臾窗外梨花凍房後房前翔白鳳急取牀頭鐵
篋吹一聲驚破羅浮夢

臘日記竈

檢點瓶盆事事親妻孥盥漱起凌晨五辛轆釜驅窮鬼六癸
僉名祀灶神微祿但能邀主簿濁醪何惜請比鄰今宵儻作
靈公夢定向君前細細陳

劣艾歌成熟辦香竈陞司命坐中央
顏只辦雙弓米赤手
思營十一方駢買猪肝求嬾孝
何來蠟炬任人燭良田千頃
吾無分不為黃羊換瘦羊

偶書

一陣涼颼腦後過微翻蠟泪點銅荷
莫嫌風力尖能入只是
明窗空隙多
酒力冲融到四支三蕉聊復一中之
聖賢真樂吾能說萬事
無如恰好時

不寐

滿耳淒涼喚奈何披衣中夜起
高歌狐狸奠鬼谿頭語鷓鴣

鈎魂屋角過來價久愁凶歲貴哭聲
新倚亂山多連村尚少
流亾戶荒政應無猛虎苛

謠傳

薄算飛塵黯黯生謠傳刁斗警嚴城
黑丸竟欲分曹部黃冊
應難按姓名未免催科傷太亟
可知調卹尚持平如何百里
瀕江地日聽哀鴻亂踣聲

草澤倉皇唱董逃縣逕桀黠竟橫刀
窖中幾欲囚梁道廁上
真疑捕巨高斷獄定須埋虎穴
餘殃祇恐煽牛毛
聖朝三尺森然在未為饑寒怒爾曹

山城

山城鼓角莫雲墮
低入荒郊慘不開
賊掾竟難拘
絮舜富人
竟欲劫蘇回
鈿笳纔見投
書進建鼓
俄驚剝函來
第一民風
須整頓深憂
端不在偏災

送竈詞

尊空聊復酌清泉
那得黃羊作薦筵
一飮未完聽轆釜
四郊強半斷炊煙
稍欣積雪能滋麥
但願來秋或有年
且莫塗餽
醉司命醉中恐
忘告皇天

詞話卷一百一十五

旗常六則戲

五字不齊

元正詩筆

空濛城郭鍊春煙和雨和風送綠牋人語但祈逢樂歲天心
似未戢凶年戲抽佛筴當雞卜豫遣奴星縛草船愁絕客來
無坐處昨宵償責典青氈

明妃詞

一曲千秋絕妙辭琵琶應勝漢宮時明珠百斛金千鎰合向

心存二銘



知止齋

知止齋詩鈔卷第三

常契翁心存二銘



北麓集下

旗蒙大淵獻

元旦試筆

空濛城郭鍊春煙和雨和風送綠牋人語但祈逢樂歲天心
似未厭凶年戲抽佛筴當雞卜豫遣奴星縛草船愁絕客來
無坐處昨宵償責典青氈

明妃詞

一曲千秋絕妙辭琵琶應勝漢宮時明珠百斛金千鎰合向

君王贖畫師

甯胡賜號禮尤尊遠嫁終須戀主恩太息江都王建女金枝
猶自降烏孫

月下空聞響佩環芳魂莫恨不生還無情最是青青草也帶
春風出漢關

陰山山色比燕支一片荒墳萬古悲試向陳留原上望何人
更弔蔡文姬

登山

穩跋芒鞋蹋溼煙滿身空翠簷陰肩登山未到三分地已有
游人望若仙

梅江孝廉自寫梅江圖于扇頭索題率成二律用梅
江二字為韻

夢回忽見縞衣來搖蕩春風畫策開豈有詞傾三峽水滂勞
人寄一枝梅橫江紺雪迷香國隔岸青山入酒盃著箇逋仙
太孤寡可容鐵腳道人陪

陪君岸上牽船住萬樹明珠拓四窗如此清流元第一只除
明月可成雙諸天花雨真無界背水詩城肯受降它日杖頭
消息到相期擊楫渡春江

日者

蠟屐衝泥一雨初絕無行迹扣精廬執腸未試雷公灸冷眼

偷窺日者書文字有靈憑福慧命官無印合樵漁先生捧腹
壺盧笑莫學湘纍賦卜居

偶書

曩卿老去歐公沒從此無人讀柝文相國寺前書滿肆經年
誰問穆參軍

二月廿八日姚子俊茂村錫範招同單師白譚石舫
天成周遠鄉數瀛三茂寸小集城西烏目山房各賦
五言見志分韻得一字

天宇蕩纖氛清游及良日山光澹容與湖氣斂深謚高樓俛
曾城盍戲得疇匹數符珠緯五寸謝竹林七姚子發清唱甄

若風雨疾周郎門奇麗三秀幽巖茁單伯暨譚公衆寶等千
鑑二君詩未成微言請具陳撰異點鼓瑟吾鄉山水靈閒氣時傑

出九巫乘多雲外降定典秩尚父坐茅漁釣國隱蓬華武城
試牛刀絃歌徧比櫛鬱鬱昭明臺文峰聳崔峯自茲逮唐宋
文獻頗遺佚琴川志雖存軼事采猶失有明三百年更僕數
可恚張吳始高蹈瀛洛闡精密處則為醇儒出則作良弼流
風被邨邨古訛是祇適名節謹大防赴義甘斧鑿脂肉兒可
銘拜疏鬼可叱餘事及文章專家有著述桑楊跡弛寸文瀾
恣汨汨絳雲富琳琅汲古積緹帙歎息東皋堂遺址莫可詰
虞山天柱傾誰為拄礎礪邇來百餘載末學竟佔畢危言徒

唐詹穫實少挫挫矧此都人士衣冠改尹姑况祭誦茅鴟太
康刪蟋蟀伊予秉微尚年少氣狂逸四瀆雖涉三五嶽未登
一丈夫志四方安肯事一室俄泣枯魚銜旋駭獬犬猶粲粲
承華跌棲棲樂衡泌北太息鯤鵬南行夢丹黍飲易撓三爻
癖左識六伯讀書辨同瑁說詩正沮洳墨守城旦書未學遑
平律許身固已愚致治誰無術下士聞邱言粲然笑其啞狗
曲詆王生鳥窮嗤趙壹諸君大雅材各抱湖漣質或具靈運
慧或得延年筆芻蕘敢獻歲去華存其實陽烏日以邁疾比
晨風航庶幾敷石交風誼協儒肝努力追前型古井得修緇
夜深籤轉丙語鱸魚鯁乙德星射牖明情與山水溢

蔣奇男上舍庸招同叔才集燕園賞牡丹適余上塚
公不及與卻寄一律并示并才

蠲尊折簡遞小童報道新開一品紅百樣名花都北直十分
春色待東風不因上塚隨山子敢效攢眉傲遠公座中僧可惜
羊求不同賞月華三徑占西東

同未才奇男習射疊前韻

充籠并夫付奚童媿乏弓衣織錦紅拂被承簫懷抱月鳴駮
穿柙耳生風它時投地夸朱穆此日持籌效魏公若使延年
來署吏翁歸村調任西東

有詡余輩不能挽強者書以示之

挽弓豈必六鈞彊男子由来志四方欲向南山鏖猛虎更浮
東海挂樽桑論書力或愁官笥揚觶觀難學堵牆試舉翻旌
聽唱獲采繁容節叶宮商

戒酒

姬公戒因酒坎坎繫勞卦武公戒飲酒抑抑慎出詒豈徒五
禮坊兼淨六根累辟如糟中布水濡日以壞譬如陶家土火
化日以敗想當入口時一釀詎不快而其潛相攻螫毒劇蠶
蠶重為長卿渴輕作齊侯疥與其鑿延緩曷若解揚蕢伊余
慳酒德達人譏其介近者中聖賢稍稍破天械其如鼯鼠腹
此中地本隘一唾齏然空七日甚矣億念皆趨庭時飲恐家

君恠指口但三臍舉手每百拜音容既已邈日月忽逾邁立
身訓頓忘荒宴等靜贖更念北堂母當食發三喟指將跪母
前刺五寫遺畫枕孝經一編受孔子五戒口不贊酒切身免
欠酒責酒箴及飲酒羸瓶箬夫夫

麥秋大稔畝得二鍾然一春無雨土堅如鐵稻秧未
蒔米價日增吾輩仍難免飢寒之感也五月十日悽
雨徹夜喜極不寐枕上口號

芒種初交日進壬雷霆滿腹蟄龍瘖天田春晚曾攜角太歲
秋來合守心萬頃黃雲收麥氣一番紅霧作梅霖明朝秧馬
膝頭徧始信天公用意深

食杏

僊人董奉遺書至乞我仙林藥一丸
裏核願栽千萬本家家齊喫大還丹

詠史

漢武稱得人扶迹在羊豕孫宏拜丞相卜式為御史兒寬在北地亦視畜數年孟堅有深識作傳乃合編郗夫作公卿言利必纖屑桑孔市井徒遂至權鹽鐵
字物如字人擾民如擾畜苟能通其理亦足為良牧張湯本
乾沒毛摯同秋鷹楊可告緡縱郡國為沸騰封禪兼開邊徼
遂起巫蠱迺知田野夫終勝大腹賈

讀張湯傳

江充前已興巫蠱從此聲名達九重
劾鼠已推中執法莫羊兼筦大司農
園錢并欲傾青翟皮幣惟聞鑄白龍
到底輸佗儒吏福兒寬猶得與東封

報復由來命在天心驚八輩到門前
舞文濫斷江都獄密奏潛撓宰相權
反目豈惟三長史傷心猶恨五銖錢
惡名雖被能湔洗地下應慚若母賢

送朱子佑奎保歸金陵

琴河新漲七條弦十里荷花送客船
媿我春風虛一室與君秋駕遲三年
山圍北固江無際路入南徐月定圓
它日扁舟

相問訊垂楊遙指白門邊

詠史

漢高提劍起大難遂削平諒由良平力外則資韓彭乃聞淮
陰侯言帝善將將側想萬人敵本出項籍上神武固天授繫
豈無淵源淵源自信陵兵法數萬言當其為布衣雅游客張
耳耳皆少年時曾客魏公子所以穀城石僅留侯葆祠大梁
一荒塚迺歲歲祀之

漢初學未立勃興得賈生其言綜儒墨學本出荀卿生年未
翁時吳公寘門下源流經指授氣質就陶冶吳公治第一少
曾事李斯斯學於蘭陵後貴乃背師所以生著書蔚為王者

佐諸老先生言竭思不能過斯也志溫飽謹羨鼠盜倉一旦
禍機發牽狗悲倉皇苟能淡寵榮自可逃秦法或者佐張蒼
成漢萬世業

倉海君何人義出田橫右力士博浪椎勝慶卿七首惜哉史
關略姓字俱莫知徒令千載後遙遙想望之當良在下邳進
履圯上老宗闕略不展毋乃太草草亮惟此數子慮漢高罵
人沈幾豫韜晦抗節不肯臣晨會必先人蹤跡頗詭異即此
是兵機豈在立文字子房善緣飾黃石與素書如從赤松游
詎有此事歟彼商山四公沖舉奮羽翼聲名動帝王終可羅
而得

舳艫蔽江下赤壁燒曹軍夷陵八百里連營竟被焚周郎暨
陸公天遣助王業亦緣三吳人本善火攻法孫子十三篇篇
名標火攻占星候箕翼用火兼用風時日固有宜地利亦乘
便艤艫與醫蒼一炬若流電阿瞞既多詐又注孫子書巧者
有時拙一黃蓋不如

病瘡

欵枕糜^上難定祕方求不靈愁先生隔日術未學占星乞米
呼康癸偷詩防^去甲丁且驅煩惱去高臥讀黃庭

反謹瘡鬼辭

我不召取鑿師灸師符詛師亦不日誦子美花卿詩瘡鬼勸

爾一盃酒我有一言爾聽之齊侯若無爾造臺何由樂趙羅
不藉爾定獻子姚幕何況爾本水帝之子孫肩肩萬古餘精
魂職司江水神所尊倏而置我陰厓門曾冰積雪通元根蹠
跼手足連脛脣腭反舌搗不可捫忽然東瞰榑桑暎西陟頭
痛山無垠徑度炎土如雷轟祝融火師相怒吞沸湯滿杓力
士掀魂往糜爛非矣燔陰陽二氣胎一元吹者寒噤噓者溫
中有至精綿絲存我生頑骨不可救熱腸屢試明堂灸賴爾
九轉神丹成洗髓伐毛兼益壽逝將壘石為門畿留女長住
此不歸雲輶雜還迎女妃清泉一盃抹女飢手把璀璨夫容
旂從女吸取日精月華簪簪天邊飛

長夏逃暑日取史漢讀之偶有所得輒占一絕亦漫
不省記矣入秋患瘧伏枕無聊追憶遺忘錄存十首

研谷冬瓜實坑儒往事明如聞興禮樂還有魯諸生

魯諸生

習禮淮陽地師傳勝馭中何因設繇最獨讓叔孫通

張良

持議堅難定應愁丞相瞋鄭君違詔者彼獨爾何人

鄭當時

精兵久已盡長平毛遂區區尚劫盟驚走秦軍與梁客解紛

終仗魯先生

魯仲連

無魚便啓馮公口有酒能降聶政心買盡山東豪桀士只銷

三十萬黃金

尉繚

腐儒坑盡為研瓜抱夢歸來事可嗒四百餘人同坎後青門

猶有故侯家

邵平

劍履班聯絕上公漢家事業起關中夫人亦有封侯相爭不

心推第一切蕭何

帷闥中能制九州區區平勃想安劉呂公二女元人傑姊作

真玉妹徹侯

呂嬃

天子徒知皇帝貴諸生竟效聖人稱子房一失掉頭去人各

有能有不能

并孫通

已值高皇好罵儒又逢文景尚清虛致君堯舜真無術枉讀

司空城旦書

棘固

讀三國志雜詠

卓彼管勞安陋哉華子魚並坐汙吾席矧乃登薦書舉賢以
分謗失節頗自諱不見魏司空亦薦漢太尉

右華歆傳

白馬將軍奮辭呼七軍同沒獨歸吳一鞭纔免虞翻擊又向
高陵拜畫圖

三十年來受主知得歸雙鬢雪成絲樓船雅會徵詩日何似
昌豨涕泗時

右于禁傳

母邱諸葛相隨盡龍性依然不可馴彈罷人間廣陵散當塗
從此更無人

右嵇康傳 康附王粲傳中

輸作當年從上方劉楨平視太風狂南皮雅會浮瓜日又令
元城拜女王

右劉楨傳

謾誇真堪媿史魚上林詞賦陋相如何當諫罷崇華後一例
分脩封禪書

右高堂隆傳

西軍才報敗獠亭洞浦旋聞墮將星從此秣陵無王氣江南
終古小朝廷

右吳志紀

白衣搖艣出奇兵失計千秋恨子明九錫纔聞通北使六軍
蚤已詔南征若教白帝長屯戍未必黃龍息戰爭它日樓船
東下日荆湘雖在竟何成

右呂蒙傳

席芍階丈守芬屬題黃花比瘦圖

護香香易滅潛花花易折折取易殊花縮就同心結縮結連
雙鍼黃花如散金是郎珍重意是妾百年心春花日以槁秋
花日以老過時不采摘零落隨秋草秋草被空庭秋階冷露
零盈盈當五夜叩叩禮雙星迴裾理瑤衰花不如儂瘦采采
黃金英何由鑄年壽壽命紫煙銷年華錦瑟凋花生是明日

花謝是今朝一姬以花朝前一日均無子秋花不結子自抱秋心死摩石寫
巴牋費盡銀河水無術返花魂香桃一捻痕願將冰井月長
浸合歡根

玉簫引

碧落仙人跨紫鸞臨江斜倚玉闌干簫聲吹綠洞庭色幾點
九疑生暮寒
天女前宵折佛花乘雲來到玉皇家偶經洞府作三弄吹落
碧桃千片霞

夜坐桂華下

香氣浮林端露華四垂合微風吹不動頂盤金匝匝濃芬鬱

盤紆萬縷穿小閣聞花不見花鼻觀先吐納如開新酒第綠
蛾聚滿楹中之人自醉清濁聖賢雜如聞蒼藟香未祀七寶
塔金粟影圓滿覆此皈依鵠我知無隱旨宣說効老衲未能
馨一山或可撮圭合天花散繽紛勿戲刻銀蠟不知黃雪滿
但覺聲颯沓檻前布金地白足不敢踏歸來抱花眠香界安
梵榻

秋日書懷疊韻三首

據梧枯坐學心齋負戴還欣益曜借釀菊有方貧易辦菰蘭
無地少逾佳未甘乞食從彭澤且假連牀學伯淮博得慈親
開口笑更無餘事上幽懷

昨夜秋聲到小齋清風明月與人偕半生著屐老為累萬事
隨人且道佳耽讀任教呼鈍漢傭耕何幸作不讀如淮年來
豪氣銷磨盡絕少牢愁動壯衰

首宿盤空馬作齋清談聊復故人偕山難入畫看尤好詩到
無心得自佳瘡鬼已逃桓鎮惡眼方初試范臨淮攜鉏準擬
尋仙葯上壽高堂惟素懷

秋原校射

紅葉山中闌射場天然錦幄四圍張一聲鳴鏑指孤兔五石
新弓拓鳳皇此手雲中翻白鴈有人墓下唱黃鵠由来孤矢
男兒事莫美書生骨未強

干將篇

精金躍冶為干將大冶咄咄呼不祥鑄成拂拭吐紅豔萍燭
眠之非良劍良劍不貴徒屈伸貴在生死能報人此劍報生
不報死鑄者定非歐冶子想當干將鑄劍時赤皇命燭龍下
窺雷公鼓索躡空肩陰陽為炭鑪兩儀水火既濟交坎離欲
成不成爪髮糜青白氣竭圓中規雙龍帖帖貫月飛雄者匿
乃獻厥雌闔閭怒爰殺之此時兩道奔虹豸便應飛著吳
王頸一片孤兒寡婦心血腥迸入冰花冷不然便應深錮南
山邊蒼厓翠壁歲千年神龍蟄屈亦常事矧為知己全其天
胡為乎精光上見貫霄漢牛斗斜衝南戒斷華陰山土西江

流淬就霜鋒各分半嗚呼張雷二公非石交豐城先化同刃
沱茂先實識躡亂朝銅駝屹立埋蓬蒿延津會合雖有日齧
齧已溷凡兒曹君不見徐君墓樹三尺雪夜夜寒芒半明滅
中有一點丹心血

卯酒

三盃卯酒陶然醉銷盡江南萬斛愁會得此中真趣在不將
一斗換涼州

我亦新盟訂麴生劇憐盞凸照窗明三升官醞無從覓此福
終輸阮步兵

讀陳和叔先生東莊遺集

滿腹經綸竟未施遺言猶足帝王師縱橫治水田睽叟慷慨
譚兵杜牧之知已有誰如狗監諸公空自媿牛鑿馬周開濟
陽城鱣可惜無人佐

聖時

乾隆初有

詔求樸直骨鯁之士如馬周陽城其人者海甯陳相國奇先生欲薦之先生辭焉乃不果

日正光華月正圓杞人何礎也夏天危言自合容

平世遠慮終推議重邊當日寘身千古上于今回想百年前
長沙痛哭江都榮一樣沈幾燭事先

說詩

說詩不說詩乃得詩人指溫柔敦厚教可以通治理申公不
多言願力行何如王式以詩諫是以亡諫書訓故闕不傳往

遂得大略潤色且不肯矧迺敢穿鑿申公授弟子趙綰及王
臧稍稍失師意制作夸明堂唐褚雖師式誦說終見辱主人
歌驪駒豎子詆徇曲外此說詩者嬰悍固則愚司空城旦誚
毋迺繇是與韋家父子學相業亦相等繼起者其誰吾將問
匡鼎

雪中小集總宜山房

寒鴉點點自呼羣小集寒齋共會文酒氣網緼蒸米雪墨花
揮灑化同雲客來戶外拖珠履人坐窗前唱練農春信漸回
山意覺梅花消息已三分

總宜山房看雪

喜氣迎三白飛雲徧萬家
松高當竹拜山好被雲遮
酒量因寒長歸途覺路賒
春盤時節近還就看梅花

柔兆困敦

病中雜述

春來決日病纏綿
累得全家盡不眠
夜半呻吟猶未敢
白頭老母坐牀前

細撥櫻桃活火灰
彭亨鼎腹沸如雷
已煩慈母親調藥
更著山妻進藥來

槁頭問卜索蓍茅
暗數金錢細細拋
鈔得繇辭眉已蹙
劉占師卦弟三爻

漸漸膏肓二豎侵
返魂須仗紫團圞
後蜀來蓋篋都撐盡
典到閨中約辭金

斗室香煙一縷縈
三更細語不分明
內中忽露平安字
知是閨人禱佛聲

心香蕪徧氣如絲
為問痊期未有期
老僕今年過七十
衝泥日日禮焚祠

老僕姚方性至拙萬事
余祖父以來四代矣

書塾初開供課呈
瀾翻布穀齒牙清
黃鸝欲向上林去
初試新春第一聲

轉歎便便富五車
僅教竟死又何如
讀書未必人人誤
終望兒能讀父書

緣病翻知辟穀方一旬曾未進壺漿商山芝尚嫌多事去
欲從張子房

炯然眸子湛清虛贏得饑餬病起初留取一雙如月眼近來
半月不看書

頗黎琢取水精宮靨黠圓如日正中不是借它光有耀要他
遮卻一層風

乍寒乍暖未平分小坐牀頭日又曛底事春風太無賴故翻
紙帳作波紋

春風應已遍天涯欲待扶筇力未加又恐匆匆花信去思量
健步致梅花

十死才蘇百病身嬌兒連榻又嘔呻幾番欲起渾無力且學
忘情第五倫

二月二日晚夢乍醒聞子規聲甚淒切枕上口占

子規日日到齋頭喚道兒歸不肯休今日兒跡何處也泉臺
風雨夜悠悠

似汝鍾情世所稀春風下上叫斜暉人間無限分離苦盼教
兒歸竟不歸

哭音保

袞宗神弗佑奪此好男兒一病寸蘇後千秋永設時憐余無
福命誤汝是庸醫漫說憑天數終傷我不慈

曇花開一霎愁爾太聰明巧語人人喜吟詩字字清病中吾
未死夢裏汝猶生慟絕誠何益中心自不平

夢音保

已矣今生事翻嫌入夢頻忍言兒是鬼尚憶汝為人慧業銷
沈劫靈根悟夙因金鑲如再到知否記前身

吾生

愁與春俱到吾生合蚤衰病危真負孝貧甚最傷慈忍痛緣
親老吞聲恐婦知回腸如轉轂雙鬢已成絲

感念亡兒寢不成寐案頭適有篋中集一冊繙閱數
周覺苦雨淒風彌增怛雜用其韻以寫悲懷

貧賤無慈親惡歲多枉人誰歌薤露曲此曲不忍聞念我所
驅兒去我杳無迹春風折蘭芽一旦忽蕪沒昨宵入我夢指
口苦道飢攬衣欲就抱一慟知己非海水有時竭兒行歸不
歸

炊玉陳糝羹東房設魂位明知靈不存且盡生人意長風白
浩浩吹雪滿天地恐增老母悲欲哭復制泪爾身尚單寒爾
齒猶童穉風雪阻泉臺魂未恐不易呼爾爾不應靈旛動袞
次翦紙為冥衣衣成不能寄

城頭烏夜啼遙林聞哭聲伏枕不能寐惻然傷我情寒帷影
彷彿顧影不見形汝母晝夜哭兩眼幾喪明今生已如此不

願汝再生

步出北郭門言循東麓路前日風雪中興機從此去纍纍指
冢墳歸然見新墓兒骨諒速朽兒魂任何處落日下平原蕭
蕭白楊樹

連日風霾梅花將盡叔才忽乘興獨遊維摩寺余病
未能也歸述清游悵然有作

胷脚輸君汗漫游未知此福幾生修香融慧日初升地人立
仙雲冢上頭嚼徧清芬迷夢蝶衷歸寒玉舞潛虬竭來丈室
天花散試看都消結習不
爭教錯過好春光強自寬懷愛自傷潦草因緣拚沒絕飄零

時候怕思量即今無賴天桃放轉瞬多情亂絮忙縱使廣平
心鐵石也應作賦怨淒涼

古意二首

著意梳螺髻留心點絳脣妝成頻照鏡不敢問旁人
纖費妾自知下翦復遲疑一自停歌舞空箱屢幾時

答單師白

寶筏金繩占地寬茫茫彼岸總迷滂罡風吹到修羅刹始信
人天說法難

廬山東望破頭雲紫氣童童白氣分莫道嶺南無佛性傳衣
也自祖庭聞

不識西來意若何佛衣交付蜜多羅豐干到底多饒舌且學
嵩山老達摩

重有會

罵佛佛不瞋佞佛佛不喜觀海者何人跣跣豎一指
心安塔上鈴諦觀一刹那請看須彌山只如芥子大

夢中偕友人登一塔凡十三級已登其十一矣回
眎同游則跡都渺余覺寒甚亦凜冽而下

千仞孤標勢鬱蟠平看日月轉雙凡銀梯躡到初枕易香界
探從絕頂難未必仙緣無福證果然高處不勝寒回頭重向
塵寰去隨分心原自在安

宿破山寺

高閣嵐光合空潭月影懸泉聲春夢碎佛火罩燈圓夜靜花
香發山深俗慮捐湛然無起滅心在四禪天

碧玉篇

并敘

夏六月既望夜夢入古寺立彌勒座下髣髴披衲捧盃
持具儼然現比丘身矣驚訝間一老僧循西廊上手一
水蒼玉狀若珪背鐫碧玉二字填以金授予曰謹藏之
把辭入殿伏團蒲上梵唄聲遏雲予不解誦經但口吟
佛號起隨眾繞佛三匝已有人唱曰叅大師導入斗室
明窗洞開檻外澄波浩渺無際臨檻設一几一榻紫衣

師趺坐榻上予膜拜之師曰汝有法名不曰未也師曰
名汝以了觀予敬諾睨師方據几持牙籌作會計狀竊
意高行僧胡效田舍翁態耶師已知之曰汝勿腹誹出
家人忙於在家人大和尚更忙於眾和尚汝它日行自
知也予悚然謝不敏見室中書甚富問曰此藏經耶曰
皆經史子集也問僧亦讀羣書乎曰不讀羣書安得通
內典也語次有童子年十六七神采秀慧來謂予曰師
名汝予曰吾師在是矣事他師為師曰余為此寺總持
汝固自有本師在也指童子曰此汝兄矣予隨童子去
見一僧狀貌瓌異酣眠未醒因問童子日日作何功課

曰亦誦經史耳問習何業曰作文問古文耶曰時文也
予笑不信童子取案頭制義數十篇示予若世之塾課
者其首篇題為君子以文會友予拊掌曰我不耐作舉
子業故為僧迺為僧仍習此耶大笑而寤殘燈熒然恍
若有失念生平夢境未有若是了徹者爰作詩紀之以
俟異日徵驗焉

空山無人清磬圓幽夢忽墮蒼厓巔拈花手呈彌勒前金襴
法衣學水田左提軍持袒右肩窺鏡自視童其顛西廊尊宿
來蹠躩龐眉黃面高兩顴贈我一片青琅玕剡上方下如躬
桓背文碧玉兩字鐫前身恍惚來竺軋入門俛伏禮金仙滿

堂梵咀流水喧繞佛三帟若轉圜有人導我參戒壇明窗十
二七寶欄欄前煙波何淼漫坐中開士方無言欲動不動非
風旛嘉名錫我曰了觀洞徹三界周中邊前歷千劫後萬年
恒河沙數兜羅綿津梁告疲心孔艱度人無術矧愚頑繇旬
拘盧莫可彈低眉布算聞微歎牙籤插架連屋椽瑤函瓊笈
開娜環汝能讀盡四部編方許汝證天龍禪重尋本師叩幽
關香龕寶地安且便支頤攤腹跂脚眠殷雷呼吸其神全苟
侍童子清且妍冰雪綽約夫容鮮颯縷道妙宣真傳口誦經
史如瀾翻示我世俗文百篇是心是法何因緣我能習此自
世間安用饒舌勞豐干掉頭大关魂遽然紈如五鼓月滿天

棲霞阻風

塔杪鈴言替戾岡果狀旗脚轉危檣荒蘆械械戰秋雨衰枿
垂垂空夕陽鷄不因風先自退山如欲語美人忙支離病骨
餘生在肯逐冥鴻下上翔

聞江中有應試者遇風覆舟憮然有感

如此風波惡胡為涉險行浮沈原有命得失况微名縱出龜
鼉窟難為漂泊情千金軀可惜莫抵一毛輕

酬蔡二補梅壽昌 并敘

補梅浙江德清人予友張樹卿之高弟也年甫弱冠負
雋才趙季由先生學轍守湖州試童子軍補棹以白桃花

賦湖州竹枝詞三十首為趙公所激賞以愛女妻之柵
卿為予誦其警白如詠鏡云攜將紅蓼谿邊過一路菱
花不敢開詠帚云記得前年掃黃葉風流太守愛山臺
可想其個儻不羣之概矣予與補棹素未覩函叔卿代
申彼我之懷補梅忻然願結神交以詩因叔卿贈予予
感其意輒作三章誦之未知何日得把麈言懽也

雪川水清泚虞山鬱嵯峨乾坤兩閒人涉足動相左觥觥張
夫子情衷曷彼我寄詩憫匡居遠逐鴟夷舸開緘諷嘉言清
越兼帖妥上言勵志節觀物陋么麼下言當飛鳴振翮慎推
墮我生宜朋儔蚤歲足坎坷相期拾瑤草幸免餽飯顛前楹

寒鞠榮凌霜燦雙朵

觀日登泰岱尋河遡崑崙不到絕頂地安知眾所尊賈生年
弱冠上書數萬言憂樂繫天下舉念安黎元生寸固傑出繫
豈無淵源方生未登朝乃出吳公門君今覲良會冰叟守大
藩醇儒作良吏緒訓陶甄存它時振逸轡草野覘經論毋徒
事章句道義古所啟

鯁生秉微尚博辯騁雄快豪氣看寶刀虛名困天械涉江駭
曾波渡海濺驚泮青冥靴詎紵白鵠羽長鍛竭耒道味腴始
受孔子戒方知日月寬未覺天地隘學勤瘦十駕心夷少五
噫立身慎脂韋處世筮劉丈遙遙聲氣通有似珀取芥庶幾

相雕鐫願勿廢管蒯

林桂舟師招同門下士作消寒小集即席敬呈

後堂絲竹雨中喧桃李欣看聚一門河濟並容滄海大徂徠
也傍泰山尊寒銷夏屋裘應却人坐春風氣自溫明日片颿
三泖去客中小別亦銷魂

胡石夫周味菴諸子將返吳門

調周嘯霞茂才雋疊前韻

調

周嘯霞

一首不寫

此条首是如將

姓名茂才四字

補于嘯傲圖上

題嘯霞煙霞嘯傲圖

并引

嘯霞居士抱清曠之才足煙霞之癖潘文樂旨羊體嵇

心奄擅其昧與予同出唐陶山師門下癸酉秋相遇秦

淮水榭今復懷聚柘湖官舍花邊理曲酒底論文致足

樂矣甫訂新交俄成小別因出斯圖屬題用綴蕪辭聊

當泥爪他日空山譚道據梧理琴定當相視而笑也

十年前誦驚人句想見霞標起赤城蘭譜漫叨陪雁序落心

早已證鷗盟白門秋老花無恙黃浦潮歸月有聲彈徹移情

水仙操海山深處悟前生

煙雲過眼易饒餽無數霞光繞柘湖纔繫新尊浮綠蟻又添

別緒唱驪駒衝寒勞我衷中判長嘯輸君市上壺他日蘇門

相雕鐫願勿廢管蒯

林桂舟師招同門下士作消寒小集即席敬呈

後堂絲竹雨中喧桃李欣看聚一門河濟並容滄海大徂徠
也傍泰山尊寒銷夏屋裘應卸人坐春風氣自溫明日片颿
三泖去客中小別亦銷魂

胡石夫周味菴
諸子將返吳門

調周嘯霞茂才雋疊前韻

乍聞春滿石家園蠟屐衝泥早故門行雨定教神女妒品花
終讓牡丹尊當筵顧曲知無誤小坐餘香尚自溫宣說一番
無隱旨維摩雖病也銷魂

題嘯霞煙霞嘯傲圖

并引

嘯霞居士抱清曠之才足煙霞之癖潘文樂旨羊體嵇
心奄擅其勝與予同出唐陶山師門下癸酉秋相思秦
淮水榭今復棲聚柘湖官舍花邊理曲酒底論文致足
樂矣甫訂新交俄成小別因出斯圖屬題用綴蕪辭駢
當泥爪他日空山譚道據梧理琴定當相視而笑也

十年前誦驚人句想見霞標起赤城蘭譜湯叨陪雁序落心
早已證鷗盟白門秋老花無恙黃浦潮歸月有聲彈徹移情
水仙操海山深處悟前生

煙雲過眼易饒餽無數霞光繞柘湖纜繫新尊浮綠蟻又添
別緒唱驪駒衝寒勞我衷中判長嘯輸君市上壺他日蘇門

相問訊鸞聲猶似舊時無

柘湖釣魚詞

時在桂舟師金山署中裏閱試卷

料峭西風水國寒柘湖東接海迷漫莫言徹底魚能數如許
波深下網難

新署頭銜作釣徒蘆花如雪易饜餬沈吟便欲收竿去恐有
驪龍未吐珠

雪霽行丹徒道中

初融微雪靜飛沙恰喜看山坐小車塗附輪真生四角路荒
人欲誤三叉高風影急銜蘆雁落日林昏啄肉雅歲晚天心
默馳逐旅人何事不還家

雪後登北固樓

孤游凌積雪高閣倚斜曛玉琢南徐樹囊探北固雲寒光千
里接人語九天聞歲晏不歸去空令客思紛
晴雪巖危巖憑闌得大觀濤聲吞鐵甕山勢走銅官很石千
秋在長江萬古寒傳聞酒可飲買醉且盤桓

丹陽夜行

車聲聽應輾南繞練湖陂雪浪浮千疊銅輪隱半規林光疑
宿火人影認殘碑歎息歲云莫馳驅空爾為
征人自有程衝夜過嚴城欺雪月無色打冰風作聲厓欹千
尺迴路入半空行漸向寒郊去荒雞正亂鳴

知止齋

知止齋詩鈔卷第四

常契翁心存二銘



計偕集

強圉赤奮若

擬古

黃鵠性耿介超然謝塵氛朝披洞庭霧暮挹天門雲逝與隨
陽鴈逍遙窮八垠羣雁志梁稻形影下上分黃鵠引領顧悲
鳴呼其羣群雁俛而啄千呼如不聞乘危得一飽交頤意悅
忻邪揄謂黃鵠笑爾空辛勤黃鵠去不顧振翮凌蒼雯物理
各有適焉用徒糾紛

辭家

飄然解帶出蓬廬
席帽行滕上鹿車
一第詎為榮世計
十年曾讀濟時書
敢因干祿違遺訓
留得初心慰倚閭
為問山茨猿鶴侶
蒼生屬望定何如

放舟

一笑長安去扁舟
汗漫游東南望吳會
西北有高樓書劔輕
齋便年華逝水流
會當凌泰岱放眼看神州

渡江

春色蓬蓬遠江流
滄滄平煙開千樹
迴日暖半帆明去燕時
回睇因風欲寄聲
家山花正發何似廣陵城

高郵阻風

清晨雲涌霧幕湖
舟行恍入壺公壺
榜人衝霧走十里
霧散雲收日垂珥
揭來午飢高郵城
檣烏作作微有聲
須臾東風動地至
百丈執與洪濤爭
是時長淮見光恠
塵沙瀕洞浪澎湃
桐柏支祈掣鏢逃
甌湖老蚌張颯拜
天地黯黯蛟龍愁
陽開陰合構蜃樓
植椿纜舟日正昃
惡浪顛風行不得
我欲拔劍呼豐隆
更欲伐鼓馮夷宮

朝廷令甲急轉漕
舳舻銜尾來江東
風濤如此阻期日
得毋宵旰勞

宸衷况今桃花水
異漲畚鍤處處防
河同軒軒擺浪怒
不息

晝夜搶險難為功河隄一旦有虜陷民命凋瘵神羞蒙風師
川后肯垂聽為我電掃開氛霧逢逢打鼓發舩舩銅輪晚射
湖波紅

袁浦

公路屯兵處淮黃此合流波平高堰樹春到楚州樓轉漕期
方迫防河榮已周魚鱗千萬戶無計避陽侯

四望

六塘橋外路四望倚危岡土入徐州赤雲生大澤黃高原愁
雨少下地急河防端賴賢良吏綏循著善方

邳州紀事

嚴城旌旆閃暇紅持節歸來漢上公已肅官方登白簡更陳
民瘼達

蒼穹阻飢自切

唐堯念活命終資富相切試望荒原生意轉垂楊萬樹帶春
風

秣糠雜和樹皮春誰匿偏災不告凶議罪條難寬執法蠲租
符蚤發司農鴻磬聲尚盈阡陌鳩集

恩先下

九重父老莫愁苛吏在春來雨露自

天濃

西來山勢接壺門
圮上千秋履跡存
白日暉沈芒澤大
黃流聲挾呂梁渾
時平未改屠沽習
地險終虞盜賊尊
且賣佩刀多買犢
汝曹端莫負皇恩

下邳懷古

慶卿七首漸離筑
絕技流傳到博狼
一擊遂教秦鹿失
十年終見祖龍亡
獨將祕記師風后
假託陰符佐漢皇
赤烏丹藜圖像古
陋儒吾笑孔文祥

赤兔嘶風怒未平
白門樓下水縱橫
英雄多為妻孥累
反覆曾無父子情
縛虎肯容時少緩
連雞畢竟事難成
公臺枉為

溫侯死可惜
知人鑒不明

日昃腹枵投瘞寺
午飢感成一律

院後開羊肆
龕前劉馬薪
荒墟喧趁集
古佛冷看人
脫粟登盤貴
巡檐乞食頻
黯然投箸起
三歎為流民

劉靈墓

一片荒墳葬酒星
土花猶帶酒痕青
生當易代天難問
死便長埋地不靈
佐頌肯陳司馬德
解醒甯甯眉嬾言
聽三閭慟哭先生笑
一樣孤忠異醉醒

滕縣道中花生日和吳惠欽
同年廷鈐韻

斜風細雨度芳辰
漫說花開白似銀
人別江南方是客
天高

淮北不知春空教猿鶴多相怨敢信文章自有袂莫笑出山
成小草樗材只合作勞薪

滕文公祠

溝澮經環尚儼然齊梁誰似此君賢天心久欲除封建古制
何由復井田卜正自隨周室替岐陽難效管人選祗餘野老
陳芳醕祠廡千秋託一廛

冒雨行五十里暮宿南沙河

淮沂二月寒猶緊漠漠川原無隰畛陽和不見春光回跋涉
何堪陰雨窘風寒枯樹叫餓鷓天曠平蕪下飢隼蕭蕭急點
濺帷裳漸漸衝波沒箱軹荒墟杳杳巷無人前路漫漫日將

盡雨行誰恤臧紇聖店作真同趙羅縻陷泥車似曳尾龜傍
水邨疑布空蜃低頭節屋且復休洗脚繩牀吁可哂燎衣瑟
縮僵瘕蠅疥壁欹斜走蟠蚓空腸得酒轉輻輳伏枕哦詩擢
肝腎夢醒轉訝風雨急馬斲殘鬣脫鞵鞞

伏枕

伏枕不能寐高堂正倚閭遙知江上信已達潤州書月黑宵
傳檄霜清僕守車好祈今夜夢安穩到吾廬

鄒縣道中

蕭然襜被一身閒九點齋煙入望間閉置車中似新嬾何如
驢背看春山

鞭絲席帽赴新晴
夾路桃花照眼明
飽看魯南好山色
茲游元不負平生

東來山勢接滄溟
極目峰峰未了青
說與村人渾不解
斜陽何處問云亭

嶺岼葛嶧對龜蒙
禹蹟秦封想像中
下有魯諸生誦說
不知誰是村孫通

穀城書在終何補
梁甫吟成願竟虛
脫卻寶刀事琴瑟
曷來漸近聖人居

謁孟子廟

葛嶧鍾神秀巖巖
氣象存七篇
明性善三聖接
心源荒恠談

天衍俳優炙輶長
蘭陵推祭酒
遷史漫同論
邪說排揚墨微言
闡孔顏神功
侔大禹
庶兒倚尼山
笠澤陳書切
盱江異論刪
參天松柏影
仰止企賢關

道旁見杏花一株嫵媚可愛感而賦此

春冰乍碎鏘瑤玉
冷鏢峰尖含黛綠
嫣然紅暎一枝明
絕代佳人在空谷
晴沙浩浩波粼粼
川平野迴無行人
穠姿逸態孰見賞
令人卻憶江南春
江南二月春正好
月影交橫亂萍藻
孤負花前醉百觴
湯勞遠走長安道
長安碎錦城東開石壇
高倚紅雲栽繡華
窈窕相妒一樣天工費
翦裁

中山店題壁

柳梢圓魄翦刀風暢好清游二月中
山色初晴加倍綠桃花將放自然紅
且拋愁緒訓歡伯那有心情唱惱公
無主春光無奈夜伯勞飛燕任西東

過兗州

東來洙泗繞林垆南指龜鳧列畫屏
古殿不存春草綠危樓長倚嶽雲青
桑麻平野開千里秦漢遺文守六經
何日西行夢丹漆金絲擬向壁中聽

柳下惠墓

和風吹壠氣春溫遺直猶看斷碣存
死後一坏留敵國生前三命院臧孫
雷災宗祐天難問謚定賢妻道始尊
太息東陵

殊臭味參辰難使薄夫敢

西楚霸王墓

礪礪關外野茫茫繫馬荒岡拜憤王
萬古疑冤成義帝一篇本紀代秦皇
驚聽晝起彭城黑落日暉沈大澤黃
圖錄已交亭長去可憐三戶定天亡

竟把頭顱付馬童大王真不媿重瞳
一雙璧碎鴻門白三月灰殘閣道紅
真主僅教捨霸王建都何必定閩中
江東父老吞聲哭眼看龍顏唱大風

亂山如玦月環營數闕虞兮恨不平
豎子空提三尺劍而翁幾作一盃羹
愁聞夜帳雞鳴曲猶勝深宮雉雉聲
同是楚歌

悲怆慨戚姬舞罷泪縱橫
陰陵失路指驚龍隻手難將九鼎扛百二河山歸赤帝八千
子弟散烏江漢宮綿蕞方行禮魯國弦歌未肯降畢竟腐儒
公道在穀城終古勢鏗碗
京索成臯戰局收伊廬還借故人頭當時諸將誇叨狗異日
庸奴笑沐猴千古中原爭鹿野一條遺恨畫鴻溝漢朝陵墓
多風雨渭水東流日夜愁

宿東阿舊縣

峰影千重合邨煙一抹平瘞營尋尹卯危徑塞夷庚止濁膠
無力居人多售燒畬石可畊唱籌中夜喟誰自壞長城

居人七字不寫

舊縣夜發

半夜衝寒發荒村踞曙雞風回深谷冷天入亂山低明月聞
魚梵清霜感馬蹏車鈴搖夢醒已過萬峰西

東阿懷古

偶託微詞諷洛神楚騷哀怨比靈均君王自有傷心事肯向
黃初賦感甄

車中謠

郎當郎當君馬白臣馬蒼君馬駕飛黃臣馬亦上襄朝涉水
蹏凍僵算陟阪項脫韁朝朝算莫不惜力但願送君寘君日
月芴山有木子津有梁求之不得予我心內傷

獨漉歌漉車兩輪八尺轂馬四蹏一斗粟胡為乎使我朝不
得休算不得宿朝驅車輪碌碌算驅車蹏逐逐蹏乎毋推輪
乎毋覆短衣至骭猶可續彼戎夷吾歌育育

高唐曉行

百舌呼風燕語輕齊音歷歷聽分明
縣駒死後何人繼撥盡
鷓鴣調未成

尋九河故道悵然有感

胡蘇亭下暮煙平屯氏河邊葭莖生
遂使宣房功獨絕祇今
碣石難明馮遂書奏終無補賈讓才高竟不行
馭馬古郟
城畔過何人更憶武安名

東方朔故里

蜚尤中夜衝天起太白光芒射西時
東方失卻蒼龍精天遣
歲星佐天子兩人昇策金門來一讀
一乙月兩回天子大臣
合殊禮毋令徒索長安米齒如編貝
目若珠臣朔迺肯同侪
儒隴西良家亦待詔先生不受期
門號伏日肉等蟠桃偷細
君一祭阿母愁竭耒大醉溺殿上
有眼那識孫丞相傳鞮何
人入殿中謁者傳呼主人翁來
朔來辟文戟先帝當年此
前席請鑒九市陳六符甲乙之帳
焚通衢天子歿然可其奏
臣朔再拜前上壽功成騎箕報高
皇猶恨生不烹宏羊吁嗟
乎文成已食馬肝死颯颯秋風
渡汾水腐儒纔進封禪書宮

中報掘桐人矣歲星在旁十八年羽衣海島方求仙

偶書

矍鑠精神想潞公指揮河北領元戎貝州談笑揜王則何似
平淮第一功

山左懷古十首

武城高嶺鬱崔嵬曾試牛刀禮樂才吳地兵氛銷北向尼山
化雨盡南來先生屋外春常滿處士廬邊徑不開從古烹鮮
同一術豈容陽鱈上琴臺弦歌臺

仙雲刃出化人城千古風高吏隱名蝴蝶夢回香一國髑髏
人語月三更波臣東去濠梁闊河伯西來櫓堞平猶有屠龍

心事在荒原劔氣繞縱橫漆園城

大航孔壁盡傳疑劫火燒殘賸古祠百代帝王尊博士一家
兒女作經師劓瓜議已逃秦網綿蕞人方習漢儀獨抱遺編
傳萬世天留此老到期頤伏生祠

坐鎮全齊七十城堂皇曾此拜先生力開一代循良治獨擅
三年宰相名醇酒全銷功狗氣楚歌難和野雞聲安劉畢竟
非公等空使清言誤台平蓋公堂

漢家四百年天下一片荒臺萬古青落日陰森唬大鳥中垣
芒角動台呈金銀氣避純臣節算夜聲聞上帝庭回首華陰
西去路愁雲深鏤夕陽亭四知臺

高車遙式鄭公鄉書帶離離接禮堂一代名卿多北面千秋
經學倡東方潛銷兵氣安青部獨證元心夢素王太息慈明
廚晚節無雙應媿擅高陽鄭公鄉

白雲終古繞云亭直壓城樓入杏真吳會遙分雙匹練乾坤
中劃一條青西來紫氣浮霄漢南去蒼梧倒日星投老浣花
堂上住猶聲袞抑不堪聽

嶽雲樓

巖窠穹碑勒顯忠甘棠亭畔扇仁風十三策定安邊議百萬
人思活命功蓋世勛名垂漠北補天荒政在京東范泉此公
無多路合繫新尊祀兩公富相亭

蘇李當年此地游平生逸氣未全收使君日下無雙士散吏

山東第二州天驥不辭霜雪險孤松合與棟梁謀後雕心事
譚兵舌一曲伊涼萬斛愁

歲寒亭

北臨澠水想淮陰西望雄關霸業沈遙指南雲鑄馬耳欲傾
東海洗蓬心江湖十載龍蛇駛風雨重來杞菊深譜就木蘭
花一闋遂聲時任水龍吟

超然臺

董仲舒故里

漢代論儒術先生學寂醇嘉謨嬾伊呂對策闡天人屢任騶
王相誰知鴻筆臣我來下馬拜開閣恨平津

湯河題辭

宣防虛費水衡錢欲鑄黃金任石填莫把荒唐笑五利治河

除是仗神仙

過河間

春風吹徧柳條青
來上瀛洲第一亭
地接神京依紫極
天高勃海俯滄溟
邊鳥靜飛都嬾
城上烏嘯夢易醒
我已無錢輸姪女
那堪榆莢更零星

河間懷古

漢帝崇儒術
賢王翊贊功
雅音存樂部
古禮出淹中
策對三
難辨身兼六
藝通淮南
空好士叢桂起秋風

莫州

遼宋紛爭日
嚴疆此任門
至今波淀際
應有國殤魂
壞壘千

秋在歸墟百債喧
夕陽蘆渚外
漫畫尚翩翩

鄭州雜詠

辦香虔禮藥王祠
願乞刀圭服上池
洗髓伐毛容易事
名心一點可能整

殺鞦河邊飛上天
生來兒子總癡顛
高家嬪女都奇絕
莫更傾城怨小憐

雄關屹立仗奇謀
賓佐當年載酒游
今日

太平無界限
月明風定蓼花秋

趙北口

連橋宛宛築征驂
水似琉璃樹似簦
隔岸孤帆疑鷺白
際天

新茨映雲藍，勝浮方罫陳。根露灘覆團，瓢淺漲涵除。卻驚疾
飛十丈風，光差不異江南。
龍潭鯉激勢，紫紆燕趙中央。此奧區落日魚鰕，登亥市春風
楊柳接丁沽，無邊莽蒼山如礪，不定煙波屋似鳧。誰繼道園
陳水利東南，民力成全蘇。

雄縣懷古

龍舟西上拍燕山，日薄虞淵竟引還。從此幽雲長不復，千秋
遺恨瓦橋關。

涿鹿懷古

畫角龍吟鴈幟舒，辰星長護縉雲居。銜旗氣散蚩尤霧，四字

城開帝項墟，日落金臺高。巖巢春來桑葢影，扶疏滔滔涑水
清。如此不見仙人赤鯉魚。

易水懷古

東宮池上拋金丸，珍羞絡繹進馬肝。華陽美人鼓琴罷，纖手
一雙盛玉盤。丈夫意氣感知已，誓將一死鼎燕丹。回風蕭條
易水寒，壯士瞋目髮指冠。登車一去不返顧，白虹貫日雲湯
漫。羅縠單衣裂而絕，背上鹿盧負而扶。祖龍不合死，今年八
尺屏風劍尺八。木烏生足鬼夜愁，五敷衍水聲啾啾。晉亢終
歸呂政手，只憐枉斷於期頭。噫吁嚱，夏扶宋意不足遣舞陽
鄙人顏色變，徘徊不發待客來。可惜不逢魯句賤。

督亢陂

月池潏漾繞菰蒲池畔荒亭問有無
巨浸僅疑髮養澤秦宮
久失督亢圖秋風擺極翻紅稻
春水淪漪浴白鳧太息裴公
遺蹟在誰將寫鹵變膏腴

樓桑村

葆蓋長飄薊北雲樓桑人豔指榆松
千秋正統歸炎漢一代
英雄讓使君徐沛艱難經百戰
荆梁草掘限三分錦官城外
祠堂柏鬢髯靈旗倚夕曛

涿州道中

齧齧晴沙擁麗譙峨嵋雙塔聳層霄
黃塵市地迷灰洞白浪

排空壓石橋祇有虛名憐郭隗更無靈氣憺燕昭
晚來浴馬
潭前過嗚咽寒風怒未銷

戲成

鳳池古院已無存舞散天魔日又昏
不見文殊淡粧好空餘
殘月寫眉痕

琉璃河

琉璃河外曉煙霏沙渚蒼茫野水微
橋畔鴛鴦在何許春來
雙燕掠波飛

望諸君墓

千秋絕調報燕文遺恨先王竟不聞
一自蒯生流涕後更無

人弔望諸君

良鄉道中

塔岡突兀倚晴空隄外垂楊帶曉風三輔暖浮春草綠五雲
朝傍日華紅煙嵐窈窕開青嶂古館蒼涼問紫濛拂拭征塵
豪氣斂觚棱遙指鳳城東

度盧溝橋

西山橫翠馬頭迎腳底桑乾疊浪生萬國梯航從此集
九天閭闔望中明虹橋迢遞三千丈仙閣參差十二城曉月
低迷春影麗菰蘂佳氣拍

神京

微雨

條風扇春城一雨洗積埃游絲冒落花帖帖不敢上甘滋潤
土膏溲漉滿盆盎嘉樹含新羨幽禽弄圓吭檐牙乍吐溜日
脚已射幌西山晚氣涼排闥送清爽野人愛幽討本畏嬰世
網竭來走長安饑驅掉塵鞅燕郊雨絕少如露掬仙掌筋骨
苦不舒濯纓發遐想頗憶江南春煙波渺平壤夢回風打窗
猶疑擘椽響

登黑窯廠

野鳧潭畔試躋攀景物蕭疎郭杜間雲氣迢嶢開
北關煙嵐窈窕見西山盈眸玉沼新荷動回首金臺落照殷

十丈紅塵翁蓋里登臨能得幾人閒

張鹿樵閣讀大舖屬題種松調鶴圖

撫松恨不千尺高放鶴恨不萬里翔松心鶴骨自脩逸肯溷
齷齪凡兒曹鹿樵先生大羅客柏臺烏府承遺澤節似孤松
傲雪蒼心如野鶴臨霞白廿年管領清華班五雲書判天邊
須直廬閱邃足唵歎夢魂只繞江南山天衢日日馳飛鞚丹
山苦欲羈鸞鳳偶憶哦松聽怒濤閒思養雀分清俸數椽卜
築城南隅一年休沐五日無息壤有約久不踐竭耒豫寫看
雲圖晨興紅藥翻階蚤夜深麻救挑鐙草松在盆中鶴在籠
何如偃蹇山林好先生掉頭歸去來黃庭芝草呼龍栽萬松

書院參天色好撥仙雲待鶴回

萬松書院在破山寺側今故址尚存

下第後作

文章得失寸心違疏越遺音賞詎希漫說坡公知李廌祇應
永叔黜劉幾籠中病鶴稼穡舞江上閒鷗浩蕩飛截菓黃金
臺已圯京華雖好不如歸

送梅江南歸

春明門外餞春天同對飛花各黯然此地客今餘幾輩重來
君又遲韞三年家貧漫說名心冷母老仍愁望眼穿苦欲相
畱留不住添波一櫂孝廉船

鯉魚淀畔水冥冥還向來時驛路經嶺上雲心知客嬾道旁

柳眼為誰青煙迷薊北春難駐人到江南夢不醒多少青衫
淪落感琵琶猶自泥人聽

擊筑聲殘惱不支且沽滄酒盡金卮歲懷剌恐三年滅敵手
碁偏半著遲遂果關山愁月斂客中情緒怕親知短書便擬
憑君寄爭奈全枯筆一枝

沈華慶同年毅索米圖

人生識字憂患始坡用餓紋隱隱成從理誦得二十二萬言
臣相固應飢欲死沈子鬢鬢三十餘玉立成削仙儒矧成均
拔萃不見省飢驅三載顏色枯昨歲登賢書仍復困公車空
腸轆轤不可療解嘲聊寫索米圖閔吏索稅官索租皤腹大

賈工索逋破書百卷煮不得轉向人索毋迺迂况復長安翁
蓋地尺瓊尋桂憂空置夢醒黃梁契未曾飽餐白粲談何易
細君書札寄長安報道晨炊無米難賃春但免棲皋廡割肉
何勞費大官吁嗟乎奉粟一囊錢二百曼倩當年猶執戟君
今通籍知何時那恠家儲無儋石君不見城東漂母哀淮陰
一飢他日鼎千金又不見淵明乞食宰彭蠡折胥僅為五斗
米吐我腐鼠盜太倉安鼻竹實養鳳皇腥羶甯死不肯食下
眦百鳥何其忙冥鴻高翔貴及早莫向風塵覓梁稻負米歸
來慰倚閭何如飢走長安道余亦將為梁宋游飽啣青精拾
瑤草

郤蘭風上舍廣銓招同程心宇孝廉定謨季上圩布
衣士訢華慶惠欽兩同年置酒話別即席口占雷贈
白雲出岫與心違又勒微風不放歸窮鳥離巢仍漠漠落花
辭樹故飛飛飄零似我身安託去住依人計總非同是天涯
淪落客那堪把酒對斜暉

將有大梁之行作書寄家人疊韻三首

迢迢鄉國三千里便是空函達亦難若得萬金歸去矣那須
一紙報平安
明知花種當歸好祇恐歸時菽水難昨夜夢醒雙淚落白頭
老母說平安

飛蓬漂泊更無端此去行蹤豫定難遙想鐙前小兒女夜深
猶自憶長安

出都

浩然辭都門鬱鬱誰與適言從郵枚徒逝訪監門宅羣公動
咨嗟頗為鮀生惜故人攬衣袂欲語情脈脈豈不念恩私豈
不樂昕夕男兒名不成去住總為客六街天風來誅蕩九門
闢玉河靈波深滉漾通

太液出壑無縱鱗排雲之仙翮枯魚轍既涸窮鳥木安擇揮
手謝諸公且復事行役回首望西山五雲絢丹碧

替我初來時新綠萌垂楊令我忽然去二麥候已黃抽絲繭

自縛旋磨蟻自僵日輪縱可繫安得長繩長驅馬西南行林
巒鬱相望鳴蜩聲嘒嘒百草久不芳道旁積行潦欲濟愁無
梁長征自茲始落日下大荒疾風吹浮雲奄忽飛鳥鷄仰天
歎長喟我比浮雲忙

西上盧溝橋行行屢回顧天開恒嶽雲煙鏢薊門樹桑乾水
剽疾飛鳥不敢度驚森撲面來黃埃四垂布伸手不見指矧
迺覩五步我車既欹傾我僕亦顛仆老馬迷前途哀鳴如有
訴逸足思追風合被皇天怒微命猶力爭靈名每自誤左左
歎路窮冥冥又日暮

日暮涂正遠解裘投荒邨集衣塵一寸目眩亡精魂昏鐙剔

無焰矣飢炊不溫土牀展襟被心亂夢亦縈上念倚閭母半
載違晨昏下念素心友何時共酒尊進不膺組紱退不守邱
樊側身天地內更欲投何門冥鴻失其侶落葉辭其根辭根
得新枝失侶銜舊恩江湖易失隊常恐波浪翻明發驅車去
袷衷餘泪痕

涿州道中

驅車過涿鹿攬轡登危橋巨川會涑易巖鎮環燕遼

聖朝大無外函夏煙氛銷雄閫慎筮鑰億載崇宮堯行行折
西南原野何寥廓班馬求其羣悲鳴風蕭蕭深箐嘯狐鬼祆
窟巖山魃太陽一以照因雨不敢騎敬謁桓侯祠緬想英雄

標雲龍既契合勛業遂炳昭惜哉李將軍射甯瑄弓弦數奇
不受賞麟閣圖票姚

大激堡

道經大激堡有水何清駛回向道旁人偕問此何水道苟人
不識但指橋上碑碑上字歷歷請君自讀之下車捫穹碑碑
是土人立云是康熙年建橋萬金集但紀土人姓不載此水
名落日橋上立流水嗚咽聲

道旁謠

深一丈道右川高一丈道左田一丈深水嗚咽一丈高龜紋
裂挹此一吋二吋之清波注彼千頃萬頃之陂陀噫吁噫萬

牛回首挽不動挽田之難難于挽天河

道上怙怙黃塵飛田中歷歷小麥稀道上雨一寸田中雨如
噫行人安穩居人怨田中雨一犁道上滑滑泥居人歡喜行
人噓居人憂旱塊行人歎獨漉不聞行人哭但聞居人哭噫
吁噫安得剗田使低道始平有駒可駕犢可耕

保定道中

鈴鐸聲中曉氣清濃陰成幄四圍平黃雲卷盡綠雲繞十里
棗花香入城

燕南

燕南趙北樹冥冥戰伐千秋此地經礪石當年成虎踞陣雲

終古帶龍腥沙橫大道無邊白山劃中原不斷青閒上高臺
看兩戒幾回含醉撫青萍

定州懷古

威名蚤歲懾西羌移節重開閣古堂一代元勛安社稷四朝
遺老鎮巖疆神功已慰三農望晚節還占九月芳他日歸來
榮畫錦平泉贏得大文章

黨人朝局又重翻誰遣擠排守北門已分七年投嶺海尚雷
一跡叩天閭閒情且著松醪賦逸興仍銘雪浪盆遙指太行
來突兀雲車風馬逐忠魂

過定州

荒墟過盡見平疇餅餌香中入定州麥氣蒸天黃霧涌槐陰
匝地碧雲流登場喜見呼羣雀久早新聞喚雨鳩昨日保陽
城畔過火雲如繖正當頭

正定懷古

擊筑聲中廣譙陳癭揚反側怙然馴羣雄尚未歸真主兵法
應須用美人高會漆園纔幾日外家金穴已成塵君王自念
徵時劍虛占椒風第一春

征嬭怨

文鴛比翼願難飄泊飛蓬不自由寄語京華諸姊妹等閒
休上舊妝樓

紫陌紅塵怙怙飛隨風猶得上郎衣自憐命比紅塵薄獨倚
清流望夕暉

一樹臨陽蕩暮雲渡頭微浪濺羅裳挑鐙疊起連環褶消瘦
膏圍又幾分

風鬟霧鬢戲蠻韉紅泪零星裏底多無限青山妒眉黛那堪
對鏡畫雙蛾

侍婢山前去賣珠新人定勝舊人無篋中自少回文錦羞采
靡蕪問故夫

鉅鹿懷古

八千子弟起江東力破秦軍蓋世雄諸將若皆觀壁上偏師

安得定閩中五星天助炎劉運三戶人思項氏功碌碌鯨生
論成敗先幾應媿楚南公

白登亦萬困單于婁敬和親計本迂一餽未嘗忘鉅鹿六軍
空復次飛狐甘泉烽火連中禁細柳旌旗勞亞夫他日圖刑
麟閣上漢家良將未全無

趙州大石橋

清淺汶河滑似油騎驢閒度石橋頭城西劉整碑何在空向
斜陽問汨流

長虹初月影難描闌外穆稜暎柳條參破演公闕振子不妨
穩過趙州橋

涂中即事

水雲斜暈火雲低日脚橫空界彩霓一陣涼颼迎直到遙知
雨在隔邨西

邨鄣

悲歌聽不得莽莽上鞞臺落日長如此清漳去不回琴聲通
刃夢騎射信雄才兒女終為累豪情化劫灰

囊中毛遂劔樓上美人頭已分三年處誰將一笑酬才人斲
養娘名士賣漿傭剩有殘盃在臨風酌趙州

盧生祠

一枕膏騰入夢時邨鄣又拜呂翁祠睡鄉真味吾能說祇恐

先生轉未知

拔筆封侯萬里天蓬萊何處有神仙如何一覺黃梁夢換卻
功名四十年

雙眼摩挲鎮日醒深山閉戶誦黃庭何當玉簡朝金闕廣奏
鈞天六日聽

鈴鐸聲聲替戾岡槐陰一樹對斜陽從君乞取青甕枕日作
游仙夢一場

襄國懷古

胡錐倚嘯上東門典午山河日月昏地振軍聲鳴鼓角天開
裨算勝吳孫漚麻早釋隣人怨偕箸能將漢史論太息祖生

空擊楫何由恢復定中原

五日過杜喬故里

跼天踏地恨難伸胡趙徒存碌碌臣漢室衰微從此始中朝
倚望更何人金蛇空貯司農庫繡笏長埋刺史輪淒絕夏門
亭吏語汨羅何必吊靈均

鄴中懷古

王氣南陽已鬱葱尚書猶自奉關中能令真主稱佳史獨以
孤忠報聖公鬼語可憐誰見聽嬾言僮用或成功鼓臺賓酒
論心日祇恨揚靈志不同

本初氣俠自桓桓慷慨升壇奉敦牒坐上橫刀訶董卓幕中

飛檄走曹瞞家聲四世台司貴霸業三州骨日殘誰台外兵
成首袖漢家天步遂艱難

漳水東流蕩夕曛銅臺高揭切寒雲一家詞賦千秋業六代
傳摹九錫文北海竟難支大廈西陵何處弔荒墳手持李豹
沈瀾語誰把餘香帳殿薰

赤橋紫陌傷西臺四塞河山付劫灰一樹櫻桃中嬾豔千重
錦甲美人來銅駝泪向秋風洒金鳳門臨夜月開玉璽終歸
江左去奸雄空費右侯才

唱徹聲聲阿得胎魚羊妖讖兆鮮卑家山遺恨三臺失蓋世
威名五木知蚤日艱貞似箕子暮年義旅繼苻丕中興偉略

真王度垂翼終當奮澠池

拓跋中分帝業微蒙璽鑄像摠危機空教垂翅憐青雀不見
亾高有黑衣狗脚竟遭丞相怒犢車誰送故君歸六宮慟哭
循廊詠眼看河邊殺穉飛

明月摧殘王氣收涼風堂下鬼啾啾朝綱已被盲人壞要略
先從祕監偷豈有至尊翻乞食可憐天子竟無愁當年父子
如龍虎教勒歌成涕泪流

五王同盡少宗盟肺附終應仗舅甥黑獺已移三世祚黃龍
空練十州兵倉皇翟義行師日慷慨王凌慟哭聲一椽興亾
闕氣數白頭莫歎事無成

湯陰懷古

晉鄙管抃趙堅壁屯蕩陰逗撓不敢進嗷喑同嗚喑手提十
萬兵主命有不受奈何亦畏秦兩端若鼠首鄙也誠宿將伺
便有老謀秦兵如餓虎詎輕以肉投單車不聽代兵法頗持
重想其部勒嚴森然不可動公子且不畏矧乃一虎符脫無
朱亥椎軍豈易奪歟大切雖未就身死名亦立所以信陵君
潛然為之泣

嵇侍中墓

穹碑猶勒永興年朝服登輿氣凜然野草三春含碧面秋桃
一樹鏢蒼煙淒涼鶴影歸雙表喟息琴聲斷七弦鬱鬱王儀

墳上柏有人曾爨藜菘篇

拜岳忠武祠

大樹南枝挂夕暉祠堂千載尚崔巍
竟靈絕塞迴龍馭不及還鄉著錦衣
內旨朱仙傳急召中原赤子歎何依
蕩陰長作腥膻地祇恐忠魂未忍歸

已割燕雲屬北荒又傳索土夢錢王
渡河臣志同宗守航海天心棄建康
他日厓山存塊肉當年巨浸感空桑
陸沈嘆息神州徧不獨漂流念故鄉

侍中墓草對黃昏一樣千秋碧血痕
豈謂兩言由哲嬪遂教三字抱沈冤
深宮問尚勞慈聖報國忠難動至尊
畢竟馬家

兒大黠澣衣猶解慰貞魂

落日陰森碧殿扃年時里老薦芳馨
長城已壞朝廷小浩氣未游草木靈
佞骨睚眦墓石像神泣哀怨逐銀瓶
它年湖上瞻祠墓願采黃柑酌綠醺

湯陰道中遇大雷雨避入道旁空舍雨止復行宿宜溝驛感賦

長涂畏炎氛小憩湯陰縣
衰衷鄂王祠瞻拜屢雷懸
駕車出重圍風色倏千變
曾陰西北未合沓四山眩
疾駟上高岡驚森駭石燕
絮雲未蒙頭白點已打面
挽車避道旁節亭敞空傳撼
闕簸似舟激雷疾于箭潛蛟
轟怒雷金蛇掣霹靂乾坤

一氣浮黑入太陰戰村農四五輩荷鋤力已勸燎衣嗟腹枵
願我色猶羨前路正未央雨晴整鞅韉水深軌已沒崖斷渦
方轉崩岸推樹僵驚湍齧槁穿輪銜石齒歎馬蹙浪花濺池
灑登陂陀突兀阻沙堰行防棘欲磬止恐渟仍旋東南一抹
痕兩腳尚垂綫回首望太行明滅晚霞約客子心屢驚僕夫
竊相言古驛指宜溝脫粟且充簞我生多迍遭蚤歲足貧賤
如何走風塵造物苦訶謔卻憶今年春亢旱匝畿甸
宸衷塵耗數祈禱山川徧竭耒冀豫郊原隰喜沃行一雨地
脈蘇平疇色菽舊努力培秋禾豐年兆行見明發問前途衝
泥亦懽抃

湯陰旅店戲題

豆粥香調小麥人鏘然脆玉動牙齧殘盃冷炙酸辛甚猶勝
東坡作逐臣

淇縣

杲杲開初日惇惇見曉星濤奔淇水白山倚太行青緬古邱
仍帝知時雨自靈泥中吾有分未敢詠榛苓
利厚張魚網時清少鶴軒園連千畝潤水會百泉渾盜賊于
今息閩津識吏尊三河都會地好在撫黎元

即景偶成

隔斷孤邨四五家一重綠樹一重沙沙岡行盡碧疇遠藪藪

打頭飛棗花

比干墓

宗國悲淪喪空懷六七君三仁難悟主一死只存殷碣勒宣
尼筆碑留魏帝文淇泉清徹底千載繞孤墳

衛輝道中

棗花十里暗香融仄徑玲瓏曲折通紫萼垂垂鳩婦雨黃雲
漠漠鼠姑風縹絲暖曝三盆白染草晴蒸百頃紅遙指檣帆
未碣石危檣千尺倚長虹

延津道中

茫茫禹蹟經遷徙莽莽中原幾廢興漢代宣房沈竹石宋朝

宮闕失松椽雲迷官渡懷沮授日落夷門弔信陵試上金隄
更南望浮圖百級勢峻嶒

Blank lined page with vertical ruling lines.

Blank lined page with vertical ruling lines. Faint handwritten text is visible at the top left of the page.





